

Hebreos

He la je he ga'loo' kih' dsa hebreo

Jøøh' ga' Joo' Dio lä'koh' ga' lä'jöö' ángel

- 1** ¹ Joh' jiih' sa' ga'hlëeh' Dio kyaah' dsa' ma'gyuh' jnän` llo'joo'.
Ga'cheey' hi' ga'ngëe' juu' kiyh', kih' dsa' ma'gyuh' jnän`.
Ko'llaa' hi' ga'ngëe' juu' he' ga'hyoh' juu' kiyh' jee' ma' këy' hi' jñah'
ko'llaa' ga'hëe' mi'në' he' ga'mi'jnää' Dio kiyh'. Ja' koo' nëe' ga'jmee'
Dio ha' lä' jee' ga'hlëeyh' kyaah' hi' ma'ngëe' juu' kiyh'. ² Pero jee'
ma'dsaa' jmií' la', ga'hlëeh' Dio jne' ta'la' kyaah' Jooy' ba', hi'
ga'tooyh' goo' ga'lä'jé' he' cha', hi' he' ba' hi' kyaayh' ga'jmeey'
gyuuh' hwa' ka'läh'. ³ Hi' he' mi'jnää' na'hñaa' lä'jöö' ha' lä'koo' jøøh'
laa' Dio, kih' he' laay' koo' heeh' kyaah' Dio. Hi' kyaah' juu' kiyh' he'
bee', høoy' ga'lä'jé' go'te' he' cha'. Hi' ma'ngëe' ma'chey' dso'kye'
jnän`, ja'ga' ga'gyay' jwoo' ra'lluu' kih' Dio Jøøh' hi' gya' gyuuh'.
⁴ Jaa' hi' he' ba' ya'hëe' jøøh' ga'lä'koh' ga'lä'jöö' ángele. Jëeh',
ga'hyoyh' koo' jmií' he' kyeey' ga'lä'koh' ga' he' ga'hyoh' ángele.
⁵ Jëeh' ni' jaa' ángel jih'koh' sa' ga'jäh' Dio siiyh':
Hne' laah' gyuu' kyaan'.
Na' ma'laan' Täa' kyaah'.
Ja'ba' lä'ja', sa' ga'siiyh' ni' jaa' ángel lä'la':
Jnä' leen' Täa' kyaah'.
Hne' leeh' gyuu' kyaan'.
⁶ Koo' ka'läh', lä' ma' ga'cheey' jmi'gyuu' la', Jooy' hi' laa' to'në',
ga'jäyh':
Lä'jöö' hnäh' ángele kyaa' Dio, jmee' hnäh' juuh' kiyh'.
⁷ Pero lä'la' ba' ga'hlëeyh' kih' lä'jöö' ángele:
Dio chee' ángele kyaa', laa' lä'koo' lle'.
Ángele hi' jmee' ta'he' kiyh', laa' lä'koo' je' he' hëe'.
⁸ Pero lä'la' ba' ga'siiyh' Jooy':
Hne' Dio, jmeeh' hih' ga'lä'jé' joh' jmií' cha'.
Kyaah' ju'dsoo' jmah' ba' jmeeh' hih'.
⁹ He' llu' jmah' ba' hnooh', hne' sa' hnooh' go'te' he' hliih'.
He'ja' hñii' Dio, hi' laa' Dio kyaah', hi' he' ga'hñaa' hne'.
Lä'ja' ga'jmeey' jëe' hoh' cha'ga'miíh' lä'koh' ga'lä'jöö' dsa'kyaah'.
¹⁰ Hi' ga'jäyh' ka'läh' lä'la':
Hne' Dsa'jøøh', lä' ma' to'në' ga'llah' jmi'gyuu' la',
Hñaa' ba' hne' ga'jmeeh' gyuuh' jmi'gyuu'.
¹¹ Lä'jé' he' ja' lla' ba', pero hne' lä' ma'chaah' na' ba'.
Dsa'gyuh' ba' gyuuh' hwa', lä'koo' dsa'gyuh' sa'hmiíh'.

¹² Lă⁺koo⁻ bää[~] dsa⁻ sa⁺hmiih⁻, lä⁺ja⁻ bääh⁺ ga⁻lä⁺jë⁺ he⁻ ja⁻, hi⁺
dsa⁻lä⁻sii⁺ ka⁻läh⁺.

Pero hne⁻, lä⁺ ma⁻laah⁺ na⁻ ba⁺, jih⁺koh⁺ sa⁺ gyuh⁺.

¹³ Juu⁺ lä⁺la⁻, jih⁺koh⁺ sa⁺ ga⁺jäh⁺ Dio siih⁺ jaa⁻ ángel. Joo⁺ bih⁺ ga⁺hlëy⁺h⁺
lä⁺la⁻, lä⁺ ma⁺ ga⁺jäyh⁺:

Na⁺ hne⁻ jwoo⁺ ra⁻llu⁺ kin⁺ la⁻,

lä⁺jiih⁺ lloo[~] jmi⁺ llaan⁺ huu⁺ tiih⁺ lä⁺jë⁺ hi⁻ na⁻høø⁺ kyah⁺.

¹⁴ ¿Ja⁺ jee⁺ lä⁺jë⁺ ángele, koo⁻ ga⁻nää⁺ mada⁺ ba⁺, laay⁺ jmi⁻lle⁺ hi⁻
ga⁻chee⁺ Dio mah⁺ jmeey⁺ ta⁺he⁺ kih⁺ lä⁺jë⁺ hi⁻ laa⁺ kwaan[~] lää⁺?

Ta⁺ wa⁺ gaa⁺ dsë⁻ jne⁺ juu⁺ he⁻ lää⁺ jne⁺

2 ¹ He⁻ja⁻ jmee⁺ bii⁺ jmeen⁺ cha⁻ga⁻miih⁻ he⁺ kih⁺ juu⁺ he⁻ ma⁻nũn⁺
mah⁺ sa⁺ wa⁺ lä⁻øø⁺ jne⁺ kih⁺ jwë⁺ llu⁺ he⁻ ma⁻tøøhn⁺. ² Jëeh⁺, ley
he⁻ ga⁻ngëe⁺ ángele kih⁺ Moisé, ma⁺ la⁺ koo⁻ hmooh⁺ hweh⁻. He⁻ja⁻ lä⁺jë⁺
hi⁻ ma⁺ dsa⁻hlääh⁺ kih⁺ hmooh⁺ ja⁻, hi⁺ lä⁺jë⁺ hi⁻ ma⁺ chaah⁻, ga⁺jëy⁺
wii⁺ lä⁺koo⁻ lle⁺ kiyh⁺. ³ ¿Ha⁻ lä⁺ja⁻ tëeh⁺ jne⁺, cher⁺mah⁺ sa⁺ ga⁺jmeey⁺ jne⁺
he⁺ kih⁺ juu⁺ he⁻ lää⁺ jne⁺ he⁻ kyeey⁺ ga⁺ lä⁺koo⁻ ley ja⁻? He⁺ ba⁺ hñii⁺
Dsa⁻jøøh⁺ jnän⁺ ga⁺kwa⁺ juu⁺ la⁻ to⁻në⁺ ha⁻ lä⁺ jee⁺ lää⁺ jne⁺. Ma⁻ngëe⁺ he⁻
ja⁻, lä⁺jë⁺ hi⁻ ma⁻nuu⁺ kiyh⁺, ma⁻jmeey⁺ dsoo⁺ kih⁺ juu⁺ la⁻ jee⁺ jnän⁺.
⁴ Hi⁺ ga⁺jmeey⁺ Dio dsoo⁺ juu⁺ kih⁺ dsa⁻ he⁺ jee⁺ ga⁻nääy⁺ kway⁺ juu⁺, jëeh⁺
Dio hi⁻ kyaay⁺h⁺ ga⁺jmeey⁺ cha⁻miih⁻ he⁻ juh⁻gaa⁻, hi⁺ ga⁺jmeey⁺ na⁻ku⁺
na⁻ngii⁺ he⁻ jmee⁺ jëe[~] dsah⁺ dsa⁻. Hi⁺ ga⁺kwëey⁺h⁺ jmeey⁺ na⁻ku⁺ na⁻ngii⁺
ta⁺ kyaah⁺ be⁺ kih⁺ Jmi⁻lle⁺ Na⁻jngii⁺, lä⁺koo⁻ hyoh⁻ dsëy⁺.

Jesucristo ga⁻laa⁺ kwee⁻ kyaah⁺ jne⁺

⁵ Sa⁺ ga⁺kwa⁺ Dio jwë⁺ kih⁺ ángele jmee⁺ hih⁺ kih⁺ jmi⁻gyuu⁺ he⁻ na⁺ ga⁺
jä⁺, he⁻ ma⁻løø⁺ jne⁺ hlëehn⁺ miih⁻ kih⁺. ⁶ Cha⁻ jee⁺ na⁻sii⁻ kih⁺ hi⁻
ga⁺hlëeh⁺ lä⁺la⁻:

¿Hee⁻ laa⁺ dsa⁻ jmi⁻gyuu⁺ mah⁺ lä⁺ ma⁻dsooh[~] ba⁺ hoh⁺ kiyh⁺?

¿Hee⁻ laa⁺ dsa⁻ hi⁻ laa⁺ jmi⁻ngo⁺ mah⁺ lä⁺ ma⁻jmääh⁺ ba⁺ hñih⁺ he⁺?

⁷ Miih⁻ jmi⁺ ba⁺ ga⁺jmääh⁺ hñih⁺ mäh⁺ ga⁺ miih⁻ lä⁺koh⁺ ga⁺ jee⁺ lä⁺jë⁺
ángele.

Ja⁻ga⁺ ga⁺llaay⁺h⁺ høøy⁺ hi⁺ ga⁺jmääh⁺ hñih⁺ jøøh⁺ mah⁺ lä⁺ja⁻ lä⁺gah⁺
dsih⁺.

Hi⁺ ga⁻tøøh⁺ gooy⁻ ga⁻lä⁺jë⁺ ba⁺ he⁻ cha⁻.

⁸ Ga⁻lä⁺jë⁺ he⁻ cha⁻ ga⁻llah⁺ ta⁺ hwa⁺ huu⁺ tiiy⁺ mah⁺ jmeey⁺ hih⁺ kih⁺,
lä⁺ja⁻ na⁻sii⁻ juu⁺ kih⁺ Dio.

Kyaah⁺ he⁻ ga⁻tooh⁻ Dio gooy⁻ ga⁻lä⁺jë⁺ he⁻ cha⁻, he⁻ja⁻ ni⁺ miih⁻ sa⁺
ga⁺jä⁺ he⁻ sa⁺ le⁺ jmeey⁺ hih⁺ kih⁺. Pero na⁺ ga⁻juh⁻ sa⁺ ga⁺ ma⁻jnä⁺ he⁻
jmeey⁺ hih⁺. ⁹ Pero ñe⁺ ba⁺ jne⁺ kih⁺ hi⁻ ga⁺jä⁺ mäh⁺ ga⁺ miih⁻ lä⁺koh⁺ ga⁺
jee⁺ lä⁺jë⁺ ángele. Ga⁻llaa⁺ Dio høøy⁺, hi⁺ ga⁺jmäay⁺ jøøh⁺ mah⁺ lä⁺gah⁺
dsih⁺ lä⁺llu⁺ he⁻ ga⁻juuy⁺. Hi⁺ kih⁺ he⁻ llu⁺ dsë⁺ Dio, he⁻ja⁻ ba⁺ ja⁻,
ga⁻ngëey⁺ Jesús he⁻ ga⁻juuy⁺ he⁻ llu⁺ kih⁺ ga⁻lä⁺jë⁺ ba⁺.

¹⁰ Ga⁻lä⁻jë⁻ ba⁻ he⁻ cha⁻ na⁻la⁻ kih⁻ Dio hi⁻ la⁻ kiyh⁻ ka⁻läh⁻. Hi⁻ ga⁻lä⁻hnøøy⁻ tēy⁻ jwëë⁻ jooy⁻ ya⁻jwii⁻ kiyh⁻. He⁻ja⁻ sooh⁻ ba⁻ kih⁻ Dio, he⁻ ga⁻mi⁻lluuy⁻ go⁻te⁻ Jesús hi⁻ lää⁻ jne⁻, ta⁻la⁻ kih⁻ he⁻ ga⁻jëy⁻ wi⁻.

¹¹ Jne⁻ hi⁻ na⁻jngëë⁻, hi⁻ lä⁻ja⁻ Jesús hi⁻ jmää⁻ jne⁻ na⁻jngëë⁻, lä⁻jëë⁻ jne⁻ laa⁻ kyaa⁻ Tää⁻. Kih⁻ he⁻ja⁻, sa⁻ la⁻ o⁻hieh⁻ kih⁻ Jesús tēy⁻h⁻ jne⁻ øøyh⁻.

¹² He⁻ja⁻ ga⁻jäh⁻ Jesús siyh⁻ Dio:

 Hlëehn⁻ kyah⁻ cha⁻në⁻ lä⁻jëë⁻ øøhn⁻.

 Jee⁻ dsa⁻ nēe⁻ lä⁻jëë⁻ øøhn⁻, jee⁻ ja⁻ hän⁻ kyah⁻.

¹³ Hi⁻ ja⁻ ba⁻ lä⁻ja⁻ ga⁻jäyh⁻:

 Kye⁻ ba⁻ jnä⁻ o⁻jøh⁻ dsë⁻ kiyh⁻.

Hi⁻ koo⁻ ka⁻läh⁻ ga⁻jäyh⁻:

 Hii⁻ jnä⁻ la⁻ kyaah⁻ jooy⁻ hi⁻ ga⁻kwëeyh⁻ jnä⁻.

¹⁴ Kih⁻ he⁻ kye⁻ jmi⁻ngo⁻ lä⁻jëë⁻ jooy⁻ he⁻, lä⁻ja⁻ ka⁻läh⁻ hñiiy⁻ ma⁻ kyey⁻ jmi⁻ngo⁻ hi⁻ ga⁻juuy⁻. He⁻ lä⁻ja⁻, ga⁻liyh⁻ ga⁻lla⁻dsëy⁻ kih⁻ hi⁻sa⁻llu⁻ hi⁻ jngiih⁻ kih⁻ dsa⁻. ¹⁵ Mah⁻ lä⁻ja⁻ lääy⁻ hi⁻ tääh⁻ goh⁻ juu⁻ lä⁻jiih⁻ jmi⁻ chaa⁻. ¹⁶ Dsoo⁻ ba⁻ sa⁻ jay⁻ mah⁻ kway⁻ be⁻ kih⁻ ángele. Jay⁻ mah⁻ kway⁻ be⁻ kih⁻ lä⁻jëë⁻ hi⁻ laa⁻ sa⁻ju⁻ kih⁻ Abraham ba⁻. ¹⁷ Kih⁻ he⁻ja⁻ ba⁻ ja⁻, he⁻ ga⁻la⁻ bii⁻ kiyh⁻ ga⁻lëey⁻ jmi⁻ngo⁻, ja⁻ ba⁻ lä⁻koo⁻ laa⁻ jne⁻. Lä⁻ja⁻ ga⁻laay⁻ jaa⁻ jmi⁻dsa⁻ jøøh⁻ hi⁻ jøh⁻ dsë⁻, hi⁻ mi⁻te⁻ kih⁻ Dio mah⁻ lä⁻ja⁻ chey⁻ dso⁻kye⁻ kih⁻ lä⁻jëë⁻ dsa⁻. ¹⁸ Kih⁻ he⁻ ga⁻jëy⁻ wi⁻ lä⁻koo⁻ ma⁻ ga⁻ka⁻ dsa⁻ dsëy⁻, he⁻ja⁻ ba⁻ ja⁻ kyuyh⁻ kway⁻ be⁻ kih⁻ hi⁻ gwa⁻ huúdsë⁻ hliih⁻ kih⁻.

Jesús ba⁻ laa⁻ jøøh⁻ lä⁻koh⁻ ga⁻ Moisé

3 ¹ Lä⁻jëë⁻ hnäh⁻ øøhn⁻ hi⁻ na⁻jngëë⁻, lä⁻jëë⁻ hi⁻ na⁻jnää⁻ gyuu⁻h⁻ ya⁻jwii⁻ kih⁻ Dio, jmee⁻ da⁻ hnäh⁻ miih⁻ huúdsë⁻ ha⁻ lä⁻koo⁻ laa⁻ Cristo Jesús. Hi⁻ he⁻ to⁻në⁻ ga⁻kwa⁻ juu⁻ he⁻ ma⁻heeh⁻ jne⁻ la⁻ hi⁻ laay⁻ jmi⁻dsa⁻ jøøh⁻ jnän⁻ ka⁻läh⁻. ² Hi⁻ he⁻ ga⁻mi⁻te⁻ kih⁻ hi⁻ ga⁻hñaay⁻, ja⁻ ba⁻ lä⁻koo⁻ ga⁻mi⁻te⁻ Moisé lä⁻ ma⁻ kyey⁻ nē⁻ kih⁻ dsa⁻ hi⁻ laa⁻ kyaa⁻ Dio. ³ Pero lle⁻ jmeen⁻ juuh⁻ kih⁻ Jesús lä⁻koh⁻ ga⁻ kih⁻ Moisé, ja⁻ ba⁻ lä⁻koo⁻ la⁻ kih⁻ jaa⁻ hi⁻ jmee⁻ koo⁻ hne⁻. Kyeë⁻ ga⁻ hi⁻ ga⁻jmee⁻ hne⁻ lä⁻koh⁻ ga⁻ hñii⁻ hne⁻. ⁴ Jëeh⁻ ga⁻lä⁻jë⁻ hne⁻, chaa⁻ ba⁻ hi⁻ ga⁻jmee⁻. Pero Dio ba⁻ hi⁻ ga⁻jmee⁻ ga⁻lä⁻jë⁻ go⁻te⁻ he⁻ cha⁻. ⁵ Lä⁻ja⁻ Moisé, koo⁻ ga⁻jmeey⁻ ta⁻he⁻ kih⁻ Dio ba⁻. Dsoo⁻ ba⁻, ga⁻mi⁻teyh⁻ lä⁻ ma⁻ kyey⁻ nē⁻ kih⁻ dsa⁻ kyaa⁻ Dio. Ga⁻jäyh⁻ ha⁻ lä⁻ la⁻ juu⁻ he⁻ lä⁻cha⁻ kēë⁻, ma⁻ngëë⁻ ma⁻juuy⁻. ⁶ Pero Cristo ba⁻ laa⁻ jøøh⁻ lä⁻koh⁻ ga⁻ Moisé, kih⁻ he⁻ laay⁻ Joo⁻ Dio hi⁻ kye⁻ nē⁻ kih⁻ dsa⁻ kyaa⁻. Hi⁻ laa⁻ jne⁻ dsa⁻ kyaa⁻ Dio, cher⁻mah⁻ tøøh⁻ jne⁻ koo⁻ hweh⁻ kyaah⁻ o⁻jøh⁻ dsë⁻ jøøn⁻ kih⁻ Dio lä⁻jiih⁻ llaa⁻ jmi⁻gyuu⁻.

Ha⁻ lä⁻ teeh⁻ dsa⁻ dsë⁻ kyaah⁻ Dio

⁷ Wa⁻ nuu⁻ jne⁻ lä⁻koo⁻ jäh⁻ Jmi⁻lle⁻ Na⁻jngii⁻ kih⁻ Dio:

 Cher⁻mah⁻ na⁻ nuuh⁻ hnäh⁻ juu⁻ kiyh⁻,

⁸ ta⁻ jmee⁻ hnäh⁻ hweh⁻ tuh⁻hoh⁻ hnäh⁻,

lä'koō ga'jmee' dsā hī sa' ga'hii' ma' nuu' lä' ma' ga'kay' dsen' jee' oo' hwa' kii'.

⁹ Jee' jā dsā ma'gyuh̄ kyaah' hnäh' ga'kooy' kyaah' jnä', ma' jëëy' he' ga' na' ma' jmeen' kyaayh'.

Ma'ke' ga'jëëy' lä'jë' he' juh̄gaā he' ga'jmeen' kiyh' to'loo' jīñē.

¹⁰ Kih' he'jā, ga'lälleen' kyaah' dsā he', mah' ga'jwii' jnih':

“Huu'dsē kyah' hnäh' hä' tää' ta' jee' jyoh'.

Sa' hnooh̄ hnäh' lä'kyuuh̄ hnäh' hee' jā he' llu'.”

¹¹ He'jā ga'tään' hñiin' ma' ga'ya'jëë' dsen' kyaah' dsā he':

“Sa' heh' dsā he' jee' teehn' dsen'”, ga'jah' Dio.

¹² Leeh' hnäh' øøhn', ni' jaā hnäh' ta' wa' hñaā hoh' hnäh' he' sa' heeh' hnäh' kih' Dio jiih' mah' sa' wa' lä'øø' hnäh' kiyh'. ¹³ Lla' he' jā, kwa' hnäh' be' kih' dsa'kyaah' hnäh' koō jmi' koō jmi', na' lä'cha' jmi'. Mah' sa' leh' he' hlih' hnäh' he' mi'goo' kyah' hnäh'. ¹⁴ Jëeh' ma'laa' jne' koō kyaah' Cristo cher'mah' lä' ma'kyen' ja'ba' o'joh' dsē kiyh' lä'jiih' llaa' jmi'gyuu', ja'ba' lä'koō ga'jmee' jne' lä' ma' to'nē.

¹⁵ Lä'la' hnøø' jnän', lä'koō jah' juu' la':

Cher'mah' na' nuuh' hnäh' juu' kiyh',

ta' jmee' hnäh' hweh' tuh'hoh' hnäh',

lä'koō ga'jmee' dsā hī sa' ga'hii' ma' nuu'.

¹⁶ ¿Hii' na' hī ga'jmee' hweh' dsē, ma'ngëë' ma'nuuy' juu' kih' Dio? ¿Ja' he' dsā hī ga'hwëë' Moisé hwa' Egipto? ¹⁷ ¿Hii' na' hī ga'ya'jëë' dsē Dio kyaah' to'loo' jīñē? ¿Ja' he' dsā hī ga'jmee' dso'kye' hī ga'saa' na'juu' jee' la' hwa' kii' ja'? ¹⁸ ¿Hii' ba' kyaah' na' he' ga'bääh' Dio hñii', he' sa' heyh' jee' teeh' Dio dsē? ¿Ja' he' dsā hī sa' ga'jmee' he' juu' kiyh'? ¹⁹ He' ga'la' lä'jā, jmee' dsa'längëë' jne', sa' ga'la' ma' dsa'taayh' jee' ma' teeyh' dsëy', kih' he' sa' ma' heey' juu' kih' Dio.

4 ¹ He'jā ta'ko'jiih' cha'jwë' jnän' heh' jne' jee' teeyh' dsëy' lä'koō ga'bäayh' hñiiy', hnøø' leeh' hnäh', le' ga'che' ko'llaa' hnäh' sa' ga'heh' hnäh' jee' jā. ² Jëeh', jnä' jne' ka'läh' ma'kway' ba' ju'hmëë' lä'koō juu' he' ga'hyoh' dsā he'. Pero sa' ga'jmää' ta' ni' miih' kiyh' lä' ma' ga'nuuy' juu' jā. Koō ga'nuuy' ba', sa' ga'lä'heey'. ³ Wa' dsa'toohn' jee' teeh' jne' dsen' hī ma'dsoo' dsē, lä'koō ga'jäyh':

He'jā ga'tään' hñiin' ma' ga'ya'jëë' dsen' kyaah' dsā he':

“Sa' heyh' jee' teeh' dsen'”, ga'jah' Dio.

Hi' ma'la' ma'jmee' Dio jmi'gyuu', ma'na'hñaa' ba' ta' kiyh'. ⁴ Jëeh' jee' llah', na'sii' juu' kiyh', hlëeh' kih' gyii' jmi':

Hi' ga'teeh' Dio dsē ma' ga'la' ta' kiyh' jee' ga'të' gyii' jmi'.

⁵ Hi' koō ka'läh' na'sii':

Sa' heyh' jee' teehn' dsen'.

⁶ He' lä'jā, ñe' jne' hnøø' ga'dsa'taah' ko'llaa' jee' jā. Hi' lä'jëë' hī ga'nuu' lä' ma' to'nē, sa' ga'taayh', kih' he' sa' ga'jmeey' he' juu' kih'

Dio. ⁷ Ma⁻ngëë' cha⁻miih⁻ jī⁻ñe⁻, koo⁻ ka⁻läh' ga⁻tøø¹ Dio hih⁺ koo⁻ jmi⁺ mah⁺ jmee⁺ dsa⁻ he⁺ kiyh⁺. Ga⁻ngëë¹ David juu⁺ kih⁺ dsa⁺, lä⁻koo⁻ ga⁻jäh' Dio:

Cher⁺mah⁺ na⁺ nuuh⁺ hnäh⁺ juu⁺ kiyh⁺,
ta⁺ jmee⁻ hnäh⁺ hweh⁻ tuh⁻hoh⁺ hnäh⁺.

⁸ Ni⁺ sa⁺ ga⁻taah⁻ dsa⁻ hwa⁺ kih⁺ lä⁻koo⁻ ma⁺ gya⁺ Josué. Jëeh⁺, wa⁻ra⁻ jäh⁺ kih⁺ ga⁻kwa⁺ Josué jee⁺ ma⁺ teeh⁺ dsa⁻ dsë⁺, sa⁺ ma⁺ hlëeh⁺ ga⁺ Dio lä⁻hmëë⁺ kih⁺ jyoh⁺ jmi⁺. ⁹ He⁻ja⁻ jne⁺ hi⁻ laa⁺ jwi⁺ kih⁺ Dio, ma⁻cha⁻ ba⁻ jnän⁻ jee⁺ teeh⁺ jne⁺ dsën⁻. ¹⁰ Jëeh⁺, hi⁻ ma⁻he⁻ teeh⁻ dsë⁺ kyaah⁺ Dio, lä⁻ja⁻ teeyh⁻ dsëy⁺ kih⁺ ta⁺ he⁻ ma⁻jmeey⁺, lä⁻koo⁻ teeh⁻ Dio dsë⁺ kih⁺ ta⁺ he⁻ ga⁻jmeey⁺. ¹¹ Wa⁺ jmeen⁺ bii⁺ dsa⁻toohn⁺ jee⁺ teeh⁺ jne⁺ dsën⁻, mah⁺ ni⁺ jaa⁻ sa⁺ wa⁺ täh⁻ lä⁻koo⁻ ga⁻täh⁺ hi⁻ sa⁺ ga⁻jmeey⁺ he⁺ juu⁺ kih⁺ Dio jää⁺.

¹² Jëeh⁺, juu⁺ kih⁺ Dio na⁻jiih⁺ hi⁺ cha⁻ be⁺ kih⁺. He⁻ dsoo⁻ ñiih⁺ ga⁺ lä⁻koh⁺ ga⁺ ñe⁻tuuh⁺ he⁻ na⁻jni⁺ lä⁻to⁺ jwoo⁺. Dsa⁻he⁺ lä⁻ ga⁻të⁺ neh⁺ tuh⁻dsë⁻ jne⁺ jee⁺ hä⁺ jmi⁻lle⁺, jñih⁻ huu⁻dsë⁻ he⁻ kye⁺ jne⁺ hi⁺ jñih⁻ he⁻ hee⁺ dsë⁻ jne⁺. ¹³ Ni⁺ koo⁻ he⁻ na⁻la⁺ kih⁺ Dio sa⁺ le⁺ dsa⁻hmää⁻ cha⁻nyë⁺. Ga⁻lä⁻jë⁻ ba⁻ na⁻jnä⁺ kih⁺ hi⁻ tēē⁻ jne⁺ dsa⁻ngëen⁺ kwaat⁻ jnän⁻.

Jesús laa⁺ jaa⁻ jmi⁻dsa⁻ hi⁻ jøøh⁺ ga⁺

¹⁴ Jesús, Joø⁺ Dio, laay⁺ jnän⁻ jaa⁻ jmi⁻dsa⁻ hi⁻ jøøh⁺ ga⁺ hi⁻ gya⁺ ya⁻jwi⁺. He⁻ja⁻ jmee⁺ bii⁺ jnän⁻ dsa⁻toohn⁺ koo⁻ hweh⁻ jwë⁺ he⁻ ma⁻tøøhn⁺. ¹⁵ Jëeh⁺, jmi⁻dsa⁻ jøøh⁺ hi⁻ cheh⁺ nē⁺ jnän⁻ kyuu⁻ bih⁺ jmeey⁺ jøh⁻ dsëy⁺ ma⁺ sa⁺ cha⁻ be⁺ jnän⁻. Jëeh⁺, ja⁻ba⁻ lä⁻koo⁻ ka⁻ dsë⁻ jne⁺, ja⁻ba⁻ lä⁻ja⁻ ga⁻ka⁺ dsëy⁺ kyaah⁺ na⁻ku⁺ na⁻ngii⁺ he⁻ cha⁻ jmi⁻gyuu⁺ la⁻. Pero ni⁺ lä⁻ja⁻ sa⁺ ga⁻jmeey⁺ ni⁺ koo⁻ he⁻ hliih⁺. ¹⁶ He⁻ja⁻ kyaah⁺ o⁻jøh⁺ dsë⁻ he⁻ ma⁻cha⁻ jnän⁻ kyaah⁺ jmi⁻dsa⁻ he⁺, sa⁺ wa⁺ gah⁺ jne⁺ ya⁻nøøn⁺ kih⁺ Dio hi⁻ llu⁺ dsë⁺ mah⁺ lä⁻ja⁻ lä⁻ñih⁺ dsëy⁺ jne⁺, hi⁺ kway⁺ be⁺ jnän⁻ wa⁻ra⁻ ga⁻të⁺ jee⁺ lla⁻kyaa⁺ jne⁺.

5 ¹ Lä⁻jëë⁻ jmi⁻dsa⁻ kaah⁺ ma⁺ laa⁺ dsa⁻ jmi⁻gyuu⁺ ba⁺. Ma⁺ na⁻hñaay⁺ ga⁻kay⁺ nē⁺ kih⁺ dsa⁺ mah⁺ ga⁻jmeey⁺ ta⁺ he⁺ kih⁺ Dio lla⁺ dsa⁻ he⁺. Hi⁺ ma⁺ heeyh⁻ lä⁻jë⁻ he⁻ ma⁺ kwëeh⁻ dsa⁻ Dio hi⁺ ma⁺ jëëy⁻ jah⁺ nē⁺ na⁻hyoo⁺ kwaat⁻ kih⁺ dso⁻kye⁻ kih⁺ dsa⁺. ² Kyuu⁻ bih⁺ jmeey⁺ jøh⁻ dsëy⁺ kyaah⁺ hi⁻ sa⁺ kyuu⁻ hi⁺ kyaah⁺ hi⁻ ga⁻nää⁺ na⁻hëë⁺, jëeh⁺ ñe⁻ bih⁺, ja⁻ he⁻ koo⁻ nēë⁺ he⁻ jmee⁺ jwi⁺ kih⁺ hñiiy⁺. ³ Kih⁺ he⁻ sa⁺ ma⁺ cha⁻ be⁺ kiyh⁺, ma⁺ la⁺ bii⁺ jëëy⁺ jah⁺ kwaat⁻ kih⁺ dso⁻kye⁻ kiyh⁺ hi⁺ lä⁻ja⁻ kih⁺ dso⁻kye⁻ kih⁺ dsa⁺.

⁴ Ni⁺ jaa⁻ sa⁺ ma⁺ le⁺ ma⁺ hñaay⁺ hñii⁺ kih⁺ ta⁺ llu⁺ ja⁻. Ma⁺ la⁺ hi⁻ ma⁺ na⁻teeh⁺ kyaa⁺ Dio ba⁺ hi⁻ ma⁺ jmee⁺ ta⁺ ja⁻, lä⁻koo⁻ ma⁺ na⁻teeh⁺ Aarón.

⁵ Lä⁻ja⁻ ka⁻läh' Cristo, sa⁺ ga⁻hñaay⁺ hñiiy⁺ jmi⁻dsa⁻ jøøh⁺. Dio ba⁺ he⁺ hi⁻ ga⁻kwëëyh⁺ ta⁺ llu⁺, lä⁻ ma⁺ ga⁻jäh⁺:

Hne⁻ laah⁺ gyuu⁻ kyaan⁺.

Na⁺ ma⁻laan⁺ Täa⁻ kyaah⁺.

⁶ Lä⁻ja⁻ ka⁻läh' na⁻si⁻ jee⁺ jyoh⁺:

Hne⁻ laah¹ jmi⁻ dsa⁻ ga⁻lä⁻jë⁻ joh¹ jmi¹ cha⁻,
lä⁻koo⁻ laa¹ Melquisedec.

⁷ Lä⁻koo⁻ ma¹ gya¹ Cristo jmi⁻ gyuu⁺ la⁻, ga⁻ngiiy¹ kiyh¹ kih¹ Dio kyaah¹ be¹, lä⁻jiih¹ ga⁻tuu⁻ jmi⁻ mi⁻nëy¹, ga⁻chuuy¹ kyaah¹ hi⁻ na⁻këh¹ jmi¹ ma¹ lääy¹ kih¹ he⁻ ma¹ juuy¹. Hi⁻ ga⁻nuu¹ ba¹ Tää⁻ kiyh¹, jëeh¹ ga⁻heeh⁻ bih¹ le¹ kiyh¹ lä⁻koo⁻ hyoh⁻ dsë¹ Tää⁻. ⁸ Ma⁻ke⁻ laay¹ Joo¹ Dio, kyaah¹ he⁻ wii¹ he⁻ ga⁻ngëey¹ ja⁻, ga⁻lä⁻kyuuyh⁻ he⁻ jmeey¹ nuuyh¹ kih¹ Dio. ⁹ He⁻ lä⁻ja⁻, ga⁻laay¹ lluu¹ ga¹, ga⁻jäy¹ laay¹ juu¹ hi⁻ lää⁻ go⁻te¹ lä⁻jëë⁻ dsa⁻ hi⁻ nuuh¹ kiyh¹. ¹⁰ Hi⁻ na⁻hñaay¹ kih¹ Dio he⁻ laay¹ jmi⁻ dsa⁻ jøøh¹ lä⁻koo⁻ ga⁻laa¹ Melquisedec.

Goo⁻ la¹ kih¹ hi⁻ ma⁻heeh⁻ mah¹ beey¹ Dio

¹¹ Cha⁻ cha⁻ga⁻miih⁻ he⁻ hnoon¹ jwëehn⁻ hnäh¹ juu¹ la⁻, pero jwëeh⁻ kin⁺ jmeen⁻ lä⁻ngëeh¹ hnäh¹, jëeh¹ ta¹ hwa¹ go⁻te⁻ dsa⁻lä⁻ngëë¹ hnäh¹. ¹² Ngoo¹ ga⁻lä⁻hi⁻ cha⁻miih⁻ jmi⁻ he⁻ tääh¹ hnäh¹ mi⁻tëeh¹ hnäh¹. Ma⁻të¹ jee¹ leeh¹ hnäh¹ ta⁻jwoh¹. Pero hnøø¹ ga⁻lä⁻tëeh⁻ hnäh¹ kwee⁻ ha⁻ lä⁻ la¹ juu¹ kih¹ Dio he⁻ ga⁻mi⁻tëë¹ jne¹ to⁻në¹. Lä⁻ ma⁻laah¹ ba¹ hnäh¹ lä⁻koo⁻ jaa⁻ gyuu⁻ hi⁻ hih⁻ wa⁻juh⁺, hi⁻ sa⁻ ma⁻lih⁺ kuh⁻ ma¹ he⁻ kuh⁻ dsa⁻ ma⁻kaah¹. ¹³ Lä⁻jëë⁻ hi⁻ sa⁻ hii⁻ lä⁻ngëë¹, sa⁻ liyh⁺ kay¹ kwaat⁻ hee⁻ ja⁻ he⁻ lluu¹, jëeh¹ laay¹ lä⁻koo⁻ jaa⁻ gyuu⁻ hi⁻ hih⁻ wa⁻juh⁺. ¹⁴ Pero juu¹ he⁻ la¹ lä⁻koo⁻ ma¹, la¹ kih¹ dsa⁻ ma⁻kaah¹ ba¹ ja⁻. La¹ kih¹ dsa⁻ hi⁻ ma⁻kyuuh¹ ka⁻ kwaat⁻ hee⁻ na⁻ he⁻ lluu¹ hi⁺ hee⁻ na⁻ he⁻ hliih¹. Jëeh¹, lä⁻ja⁻ ma⁻lä⁻tëey⁻ jmeey⁺.

6 ¹ He⁻ja⁻ ga⁻nøø¹ ba¹ jne¹ ta⁻ cha⁻në¹ lä⁻jiih¹ tëë¹ jne¹ lee¹ jne¹ dsa⁻ hi⁻ kyuu⁻. Mo⁻so⁻ hlëeh¹ ga⁻ jne¹ he⁻ ma⁻mi⁻tëë¹ jne¹ to⁻në¹ kih¹ Cristo. Sa⁻ løøn¹ ka⁻läh¹ hlëehn¹ juu¹ he⁻ ga⁻nuun¹ to⁻në¹:

He⁻ hnøø¹ ben¹ jwë¹ hliih¹ mah¹ dsa⁻jëeh⁻ jne¹ kih¹ Dio,

he⁻ heeh¹ jne¹ kih¹ Dio,

² he⁻ saa⁺ jne¹ jmi⁻,

he⁻ kye¹ jne¹ goon⁻ në¹ kih¹ øøh¹ jne¹,

he⁻ lä⁻jiih¹ dsa⁻ hi⁻ na⁻juu¹,

hi⁻ kih¹ he⁻ mo⁻so⁻ lää¹ dsa⁻ wa⁻ra⁻ ga⁻të¹ jee¹ lla¹ Dio ta¹.

³ He⁻ la⁻ ba¹ jmeen¹, ga⁻nøø¹ ba¹ jne¹ ta⁻ cha⁻në¹ cher¹ mah¹ ga⁻kwa¹ Dio jwë¹.

⁴ Pero jne¹ hi⁻ ga⁻na¹ huudsë⁻ kih¹, hi⁻ ga⁻jëë¹ jne¹ ha⁻ lä⁻ la¹ he⁻ la¹ kwa¹ Dio, hi⁻ ga⁻hñah¹ jne¹ Jmi⁻lle¹ Na⁻jngii¹, ⁵ hi⁻ ga⁻jëë¹ jne¹ lluu¹ ba¹ juu¹ kih¹ Dio hi⁻ ga⁻lä⁻ngëë¹ jne¹ miih⁻ kih¹ he⁻ juh⁻gaa⁻ he⁻ na¹ ga¹ jä⁺. ⁶ Pero cher¹ mah¹ ga⁻tah¹ jne¹, mo⁻so⁻ le¹ dsa⁻jëeh⁻ jne¹ ka⁻läh¹. Jëeh¹ he⁻ jmee⁻ jne¹ lä⁻ja⁻, he⁻ tää¹ jne¹ Joo¹ Dio dsöh¹ hma⁻cru⁻ ka⁻läh¹ ba¹ ja⁻, mah¹ lle¹ jne¹ o⁻hih⁺ kiyh¹ cha⁻në¹ lä⁻jëë⁻. ⁷ Lä⁻koo⁻ la¹ kih¹ hwa¹ he⁻ hih⁻ jmi⁻jma¹ he⁻ hla⁻ ko⁻lla⁻jiih⁻. Cher¹ mah¹ ga⁻kwa¹ cha⁻miih⁻ mii¹ he⁻ kuh⁻ dsa⁻ hi⁻ jmee⁻ ta¹ jee¹ ja⁻, mi⁻jøø¹ Dio cha⁻ga⁻miih⁻ hwa¹ ja⁻. ⁸ Pero hwa¹ he⁻

dsa⁻hya⁺ too^ʹ kyaah^ʹ nuu⁻ hlih^ʹ, sa⁺ jmaa^ʹ ni⁺ miih⁻. Jä⁺ dso^ʹjwii^ʹ në^ʹ kih^ʹ hwa^ʹ ja⁻. Hi⁺ kyaah^ʹ jee^ʹ llaa⁺, koo⁺ go⁻te⁻.

O⁻joh⁺ dsë⁻ he⁻ kye^ʹ jne^ʹ kwa⁺ be^ʹ jnän⁻

⁹ Øohn^ʹ hi⁻ hnaan⁺, ma⁻ke⁺ ma⁻hlëhn⁻ hnäh^ʹ lä⁻na⁻, ma⁻ra⁺ he⁻ jmee^ʹ jnääh^ʹ dsoo^ʹ, hwëë⁺ hnäh^ʹ llu^ʹ, lä⁻lle⁻ kih^ʹ hi⁻ ma⁻na⁻laa^ʹ. ¹⁰ Jëeh^ʹ, Dio jmee⁺ he⁻ llu^ʹ jmah^ʹ ba^ʹ, jih^ʹkoh^ʹ sa⁺ gaa^ʹ dsëy^ʹ ta^ʹ he⁻ ma⁻jmeeh^ʹ hnäh^ʹ. Ma⁻mi⁻jnääh^ʹ ba^ʹ hnäh^ʹ kiyh^ʹ, he⁻ hnaah⁺ hnih^ʹ lä⁺ ma⁺ ga⁺jmeeh^ʹ hnäh^ʹ be^ʹ kih^ʹ hi⁻ na⁻jngëë^ʹ kyaay^ʹ hi⁺ lä⁺ ma⁻jmeeh⁻ ja⁻ba^ʹ hnäh^ʹ lä⁺jiih^ʹ na^ʹ. ¹¹ He⁻ hnøø⁻ jnääh^ʹ go^ʹnääh^ʹ hnäh^ʹ jmeeh^ʹ hnäh^ʹ lä⁺ja⁻, lä⁺jiih^ʹ jee^ʹ llaa⁺ jmi⁻gyuu⁺ mah^ʹ tëë^ʹ hnäh^ʹ o⁻joh⁺ dsë⁻ he⁻ kye^ʹ hnäh^ʹ. ¹² Sa⁺ hnøø⁻ jnääh^ʹ jmeeh^ʹ hnäh^ʹ jwëh^ʹ hnäh^ʹ. Wa^ʹ lä⁻dsoo^ʹ hoh^ʹ hnäh^ʹ kih^ʹ Dio ba^ʹ hi⁺ wa^ʹ kwëëh^ʹ hoh^ʹ hnäh^ʹ lä⁻koo⁻ jmee⁺ lä⁺jëë⁺ hi⁻ hyoh^ʹ he⁻ ga⁺bääh⁻ Dio hñii^ʹ kway^ʹ.

¹³ Lä⁻koo⁻ ma^ʹ ga⁺bääh⁻ Dio hñii^ʹ mi⁻jäay^ʹ Abraham, ga⁺täay⁻ hñiiy^ʹ, jëeh^ʹ sa⁺ chaa⁻ jñah^ʹ hi⁻ jøøh^ʹ ga^ʹ lä⁻koh^ʹ hñiiy^ʹ hi⁻ ma^ʹ täay⁺. ¹⁴ Ga⁺jäyh^ʹ: “Jwahn⁺ dsoo^ʹ, mi⁻jään⁻ hne⁻ cha⁻miih⁻. Jmeen⁻ lä⁻jwëë^ʹ jwërte sa^ʹju⁻ kyah^ʹ.” ¹⁵ Lä⁻ja⁻ ga⁺kwëëh^ʹ dsë^ʹ Abraham ma^ʹ jøøy⁻ lä⁺jiih^ʹ ga⁺tëey^ʹ he⁻ ga⁺bääh⁻ Dio hñii^ʹ kyaay^ʹ. ¹⁶ Dsoo^ʹ ba^ʹ, tää⁻ dsa⁻ kih^ʹ jñah^ʹ hi⁻ jøøh^ʹ ga^ʹ lä⁻koh^ʹ hñiiy^ʹ. Lä⁻ja⁻ jä⁺ hweh⁻ juu^ʹ kiyh^ʹ. Mo⁺so⁺ cha⁻ he⁻ kih^ʹ he⁻ ti⁻chooy⁺ juu^ʹ. ¹⁷ He⁻ja⁻ lä⁻koo⁻ ma^ʹ ga⁺bääh⁻ Dio hñii^ʹ mi⁻jäay^ʹ dsa⁻ kyaay^ʹ, ga⁺täay⁻ hñiiy^ʹ mah^ʹ jä⁺ koo⁻ hweh⁻ juu^ʹ ja⁻. Lä⁻ja⁻ ga⁺mi⁻jnäay⁻ kih^ʹ hi⁻ mi⁻jäay^ʹ he^ʹ, he⁻ sa⁺ le^ʹ lä⁻si^ʹ ni⁺ miih⁻ juu^ʹ kiyh^ʹ. ¹⁸ Cha⁻ to^ʹ juu^ʹ. Ga⁺bäayh⁻ hñiiy^ʹ hi⁺ ga⁺täay⁻ hñiiy^ʹ. Ni⁺ miih⁻ sa⁺ le^ʹ lä⁻si^ʹ juu^ʹ na⁻, jëeh^ʹ sa⁺ le^ʹ juu^ʹ Dio. Kih^ʹ he⁻ja⁻, kwa⁺ be^ʹ jnän⁻ jwërte, jne^ʹ hi⁻ chooh⁻ koo⁻ hweh⁻ juu^ʹ he⁻ cha⁻ o⁻joh⁺ dsë⁻ jnän⁻ kyaayh^ʹ, lä⁻koo⁻ ga⁺bääh⁻ Dio hñii^ʹ. ¹⁹ He⁻ o⁻joh⁺ dsë⁻ he⁻ kye^ʹ jne^ʹ la⁻, jmee⁺ sa⁺ jeh⁻ dsë⁻ jne^ʹ, lä⁻koo⁻ jmee⁺ në^ʹ hlääh⁻ he⁻ jwä⁻ dsa⁻ cha^ʹjmi⁻ he⁻ kyaah^ʹ hi⁻ ti^ʹ barco. Ma⁻ra⁺ he⁻ lää^ʹ ba^ʹ jne^ʹ, jëeh^ʹ, ta⁺ ka^ʹluu^ʹ sa^ʹhmi⁻h⁻ he⁻ hii^ʹ neh⁺ gwah⁺ ba^ʹ cha⁻ he⁻ jøø^ʹ jne^ʹ. ²⁰ Jesús ga⁺he^ʹ to⁻në^ʹ jee^ʹ ja⁻ mah^ʹ ga⁺näy^ʹ jwë^ʹ jnän⁻, laay^ʹ jmi⁻dsa⁻ jøøh^ʹ kih^ʹ ga⁻lä⁺jë⁺ joh^ʹ jmi^ʹ cha⁻, lä⁻koo⁻ Melquisedec.

Jesús laa^ʹ jaa⁻ jmi⁻dsa⁻ lä⁻koo⁻ Melquisedec

7 ¹ Melquisedec he^ʹ, ma^ʹ laa^ʹ dsa⁻ta^ʹ jøøh^ʹ kih^ʹ jwii⁻ Salem hi⁺ ma^ʹ laay^ʹ jmi⁻dsa⁻ kyaay^ʹ Dio hi⁻ gya^ʹ gyuu^ʹ. Hi⁻ he^ʹ ngoo^ʹ ga⁺mi⁻jee⁻ Abraham hi⁻ jah^ʹ ma^ʹ ga⁺liyh^ʹ ga⁺tëey^ʹ kyaah^ʹ jñah^ʹ dsa⁻ta^ʹ. Jee^ʹ ja⁻ ga⁺mi⁻jäay^ʹ. ² Hi⁺ lä⁺chah^ʹ ja⁻ ga⁺ngëë^ʹ Abraham gya^ʹ kih^ʹ lä⁻koo⁻ hña⁻loo^ʹ he⁻ ga⁺liyh^ʹ jee^ʹ hñii⁻. Jmi⁻ Melquisedec, hnøø^ʹ jäh⁺ “dsa⁻ta^ʹ jøøh^ʹ hi⁻ lla⁺ kwee⁻ ta^ʹ”. Hi⁺ jäh^ʹ dsa⁻ kiyh^ʹ ka⁻läh^ʹ “dsa⁻ta^ʹ jøøh^ʹ kyaay^ʹ jwii⁻ Salem”, he⁻ hnøø^ʹ jäh⁺ “dsa⁻ta^ʹ jøøh^ʹ hi⁻ jmee⁺ hii^ʹ ti^ʹ kih^ʹ dsa⁻”. ³ Hi⁻ he^ʹ sa⁺ chaa⁻ cho^ʹjmi⁻, ni⁺ sa⁺ chaa⁻ hi⁻ në⁻ ha⁻ ta⁺ ya⁺hëëy^ʹ, sa⁺ cha⁻ juu^ʹ cha⁻ he⁻ ga⁻lä⁺chaay⁺ he⁻ ga⁺juuy^ʹ. He⁻ lä⁻ja⁻, laay^ʹ kwee⁻ lä⁻koo⁻ laa^ʹ Joo^ʹ Dio ba^ʹ. Laay^ʹ jmi⁻dsa⁻ ga⁻lä⁺jë⁺ joh^ʹ jmi^ʹ cha⁻.

⁴ Jmee' da' huudsē ha' koo' sa' jøøh' Melquisedec he'. Läk'ye' Abraham dsa' ma' gyuh' jnän' ga'kwēy' gya' kih' lä'koo' hña'loo' he' ga'liyh' jee' hñii'. ⁵ Läjēē' jmi'dsa' hi' ma' laa' sa'ju' kih' Leví, ga'jmeey' lä'koo' lle' ley, ga'kooy' ma' gya' kih' lä'koo' hña'loo' he' ma' kwa' dsa', ma'ke' he' ba' øøyh' hi' laa' sa'ju' kih' Abraham. ⁶ Pero Melquisedec he', hi' sa' ma' laa' sa'ju' kih' Leví, ga'kooy' kih' Abraham gya' kih' lä'koo' hña'loo' mah' ga'mi'jäy' Abraham hi' ga'jmeey' Dio hmooh' kyaah'. ⁷ Ni' jaa' sa' le' ti'choo' ni' miih' juu' kih' he' la'. Jøøh' ga' hi' mi'jøø', lä'koh' ga' hi' ma'na'jää'. ⁸ Ta' ko'taa', jmi'dsa' hi' ma' laa' sa'ju' kih' Leví hi' ma' koo' gya' kih' lä'koo' hña'loo', ga'juuy' ba'. Pero ta' jyoh' ko'taa', Melquisedec, hi' ga'koo' gya' kih' lä'koo' hña'loo', cha' juu' chaa' bih'. ⁹ Läjēē' jmi'dsa' hi' ma' laa' sa'ju' kih' Leví ga'kooy' gya' kih' lä'koo' hña'loo'. Ja'ba' lä'ja', le' jahn', lä'kye' jmi'dsa' he' ga'kwēy' Melquisedec, gya' kih' lä'koo' hña'loo'. ¹⁰ Jēēh', lä'koo' ma' ga'mi'jee' Melquisedec Abraham, la' lä'koo' he' ga'kwa' Leví gya' kih' lä'koo' hña'loo', heh' he' ga'kwa' Abraham ta'gyuuh' kyaay' ja', ma'ke' sa' ga' ma'chaay'.

¹¹ Dsa' Israel ga'hyoyh' ley ja', ta'la' kih' jmi'dsa' levita hi' ma' laa' sa'ju' kih' Aarón. Hi' wa'ra' jäh' kih' ga'lih' jmi'dsa' he' ga'jmäy' lluu' hi' ma' høø' ley ja', sa' cha' ma' jmeey' bii' ma' ya'hēē' jñah' jmi'dsa' lä'koo' Melquisedec. Ma'lee' ba' kyaah' jmi'dsa' hi' ma' laa' sa'ju' kih' Aarón wa'ra' jäh' kih' ga'liyh'. ¹² Pero na' he' ga'lä'jnää' jñah' jmi'dsa' hi' sa' laa' sa'ju' kih' Aarón, he'ja' ga'la' bii' ga'lä'jnää' jyoh' ley. ¹³ He' jwahn' ga'lä'jnää' jñah' jmi'dsa', he' hlēēhn' kih' Jesús hi' na'jnää' kih' jñah' nää' dsa' Israel. Pero jee' kih' dsa' he', sa' ga' ma'ya'hēē' ni' jaa' jmi'dsa' hi' jmeey' ta' jee' la' na'hyoo'. ¹⁴ Jēēh', ñe' ba' jne', Jesús Dsa'jøøh' jnän' laa' sa'ju' kih' Judá ba'. Hi' ni' miih' sa' cha' he' ga'jäh' Moisé kih' Judá, lä'koo' ma' ga'hlēy' kih' jmi'dsa'.

¹⁵ Na'hña' lä'jēē' na'jnää' he' ga'hña' jñah' jmi'dsa', jēēh' laay' jaa' jmi'dsa' lä'koo' Melquisedec. ¹⁶ Na'hñaay' laay' jmi'dsa', pero ja' kih' he' laay' sa'ju' kih' Leví lä'koh' ma' jmeey' hih' ley ja'. Laay' jmi'dsa' ta'la' kih' he' cha' be' kiyh' tää', jēēh' sa' juuy' jih'koh' jih'lih'. ¹⁷ Lä'la' na'sii' kiyh':

Hne' laah' jmi'dsa' ga'lä'jē' joh' jmi' cha'.

Hne' laah' jmi'dsa' lä'koo' Melquisedec.

¹⁸ He'ja' ma'jä' ta' koo' ley ma'gyuh', kih' he' sa' cha' be' kih', hi' sa' jmää' ta' ka'läh'. ¹⁹ Jēēh', ni' koo' sa' ga'jä' llu' kyaah' ley kih' Moisé. Lla' he'ja', ma'cha' koo' o'jøh' dsē he' llu' ga', lä'jwē' jee' le' ya'nøø' jne' kih' Dio.

²⁰ He' llu' ja', sa' ja' ta'jmah'. Ja' kyaah' he' ga'täā' Dio hñii' ba'.

²¹ Sa' ga'täā' Dio hñii' lä' ma' ga'hña' jmi'dsa' kih' ley ja'. Pero kyaah' he' ga'täy' hñiiy', ga'laa' Jesús jaa' jmi'dsa'. Ga'siiyh' lä'la':

Ga'täā' Dio hñii', hi' ni' miih' sa' mi'siiy' huudsē kiyh':

“Hne⁻ laah¹ jaa⁻ jmi⁻dsa⁻ ga⁻lä⁺jë⁺ joh⁺ jmi⁺ cha⁻, lä⁺koo⁻
Melquisedec.”

²² Lä⁺llu¹ he⁻ ga⁻hñaay¹ Jesús kyaah¹ juu¹ ja⁻, he⁻ja⁻ ñe⁺ jne⁺, llu¹ ga⁺
hmooh¹ kiyh¹ lä⁺koh⁺ ga⁺ ley ma⁻gyuh⁻ ja⁻.

²³ Ga⁻lä⁺chaa⁺ jwëë⁺ jmi⁻dsa⁻ kih¹ ley ma⁻gyuh⁻ ja⁻. Jëeh⁺, sa⁺ ga⁻la⁺
ma⁺ dsa⁻nää¹ gyih¹ ta⁺ cha⁺ñe⁺ kyaah⁺ ta⁺ kiyh¹, kih¹ he⁻ ma⁺ dsa⁻juuy⁺.

²⁴ Pero lä⁺ ma⁻chaa⁻ na⁻ ba⁺ Jesús, hi⁺ lä⁺ ma⁻laay¹ ja⁻ba⁺ jmi⁻dsa⁻ lä⁺jë⁺
joh⁺ jmi⁺ cha⁻. Ni⁺ jaa⁻ sa⁺ ka⁺ ne⁺ kiyh¹. ²⁵ He⁻ja⁻ le⁺ ba⁺ lääy¹ go⁻te⁻
lä⁺jëë⁺ hi⁻ go⁻nää⁺ kih¹ Dio ta⁻la⁺ kiyh¹. Jëeh⁺ gyay¹ tää⁺, ngiiy⁺ kih¹ dsa⁻
kyaay¹.

²⁶ Jaa⁻ jmi⁻dsa⁻ jøøh¹ he⁺ ba⁺ hi⁻ jmee⁺ bii¹ jnän⁺, hi⁻ na⁻jngëë¹, hi⁻ sa⁺
ää⁻ ni⁺ miih⁻, hi⁻ sa⁺ sah⁺, hi⁻ sa⁺ jmee⁺ he⁻ hliih¹ lä⁺ jmee⁺ dsa⁻, gyay¹
laay¹ jøøh¹ ga⁺ lä⁺koh⁺ jñah⁺ hi⁻ tääh⁺ gyuu^h jmi⁻gyuu⁺. ²⁷ Kiyh¹, sa⁺ cha⁻
he⁻ jmee⁺ bii¹ koo⁻ jmi⁺ koo⁻ jmi⁺, jmeey¹ lä⁺koo⁻ ga⁺jmeë⁺ jmi⁻dsa⁻ he⁺.
To⁻ne⁺ ma⁺ jngëëy^h jah⁺ kih¹ dso⁺kye⁻ kiyh¹ hñiiy⁺, ja⁻ga⁺ ma⁺ jngëëy^h
jah⁺ kih¹ dso⁺kye⁻ kih¹ dsa⁺. Pero Jesús, koo⁻ hä⁺ ja⁻ba⁺ ga⁺ngëëy¹ hñiiy⁺
juuy⁺. ²⁸ Ley ja⁻ ga⁻hñaay¹ jmi⁻dsa⁻ kaah¹ hi⁻ laa¹ dsa⁻nñuu^h hi⁻ sa⁺ cha⁻ be⁺
kih¹. Pero këë⁻ ga⁺ kih¹ ley, kyaah¹ he⁻ ga⁻tää⁻ Dio hñii⁺ ga⁻hñaay¹ Jooy⁺
laa¹ jmi⁻dsa⁻ jøøh¹ hi⁻ ya⁻hëë¹ lluu¹ go⁻te⁻ ga⁻lä⁺jë⁺ joh⁺ jmi⁺ cha⁻.

Ga⁺jmeë⁺ Jesús koo⁻ hmooh¹ he⁻ llu¹ ga⁺

8 ¹ He⁻ la⁻ ba⁺ he⁻ kyeë⁺ ga⁺ kih¹ lä⁺jë⁺ juu¹ he⁻ tøøhn¹ hlëehn¹ la⁻.
Ma⁻chaa⁻ ba⁺ jaa⁻ jmi⁻dsa⁻ jøøh¹ jnän⁺ hi⁻ ga⁺gya⁻ jwoo¹ ra⁻lluu¹
jee⁺ gya¹ hi⁻ jøøh¹ gyuu^h jmi⁻gyuu⁺. ² Na⁻hñaay¹ jmeey⁺ ta⁺he⁺ jee⁺ chih¹
gwah⁺ he⁻ ga⁺jmeë⁺ Dio, ja⁺ gwah⁺ he⁻ ga⁺jmeë⁺ dsa⁻ jmi⁻gyuu⁺.
³ Lä⁺jëë⁺ jmi⁻dsa⁻ kaah¹ na⁻hñaay¹ ngëëy⁻ cha⁺ne⁺ Dio lä⁺jë⁺ he⁻ kwëeh⁻
dsa⁻ Dio hi⁺ jëy⁻ lä⁺jë⁺ he⁻ kwëeh⁻ dsa⁻ Dio. Lä⁻ja⁻ ka⁻läh⁺, ga⁺jmeë⁺ bii¹
kih¹ Jesús ga⁺kwëëy^h Dio lä⁺lle⁺ kiyh¹, lä⁺llu¹ he⁻ laay¹ jmi⁻dsa⁻. ⁴ Wa⁻ra⁻
jäh⁺ kih¹ gya¹ gyih¹ hwa¹ la⁻, ni⁺ lä⁺ja⁻ sa⁺ laay¹ jmi⁻dsa⁻. Jëeh⁺, lä⁺
ma⁻tää^h ja⁻ba⁺ jmi⁻dsa⁻ hi⁻ ngëë⁻ he⁻ kwa⁺ dsa⁻ lä⁺hih⁺ kih¹ ley. ⁵ Gwah⁺
jee⁺ jmee⁺ ta⁺he⁺ jmi⁻dsa⁻ he⁺, la⁺ lä⁺koo⁻ gwah⁺ he⁻ chih¹ gyuu^h
jmi⁻gyuu⁺. He⁻ja⁻ ba⁺ na⁻, ga⁻hlëeh⁺ Dio kyaah¹ Moisé lä⁺koo⁻ ma⁺
ga⁻løøy¹ jmeey¹ gwah⁺ kyaah¹ loo⁺ jah⁺ ja⁻, ga⁻jäyh⁺: “Jëë⁻ da⁺ kwee⁻,
mah¹ jmeeh¹ ja⁻ba⁺ lä⁺koo⁻ la⁺ gwah⁺ he⁻ ga⁺heehn⁺ hne⁻ gyuu^h llé⁻moh⁺
ja⁻.” ⁶ Pero llu¹ ga⁺ ta⁺ he⁻ ga⁻hyoh¹ Jesús, ja⁻ba⁺ lä⁺koo⁻ llu¹ hmooh¹ he⁻
ga⁺jmeëy⁺ ja⁻. Jëeh⁺, llu¹ cha⁻ga⁺miih⁻ he⁻ ga⁻bää^h Dio hñii⁺ kwëëy^h
jne⁺ kyaah¹ hmooh¹ ja⁻, lä⁺koh⁺ ga⁺ hmooh¹ ma⁻gyuh⁻.

⁷ Wa⁻ra⁻ jäh⁺ kih¹ ga⁺jmää⁺ to⁻ne⁺ hmooh¹ ja⁻, sa⁺ ma⁺ jmee⁺ bii¹ jee⁺
ga⁻të⁺ to⁺ hmooh¹. ⁸ Pero ga⁻jëë¹ Dio he⁻ ma⁺ cha⁻ dso⁺kye⁻ kih¹ dsa⁻ he⁺,
he⁻ja⁻ ga⁻jäyh⁺:

Lloo[~] jmi⁺, ga⁺jäh⁺ Dsa⁻jøøh¹ jnän⁺,
jmeen⁺ koo⁻ hmooh¹ hmëë⁺ kyaah¹ dsa⁻ Israel,
hi⁺ lä⁺ja⁻ ka⁻läh⁺ kyaah¹ dsa⁻ Judá.

⁹ Pero sa⁺ la⁺ lä⁺ko^o hmooh⁺ he⁻ ga⁺jmeen⁺ kyaah⁺ dsa⁻ ma⁻gyuh⁻
kyaay⁺,

lä⁺ko^o ma⁺ ñeen⁺ na⁺hwëë⁻ jnih⁺ hwa⁺ Egipto.

Jëeh⁺, sa⁺ ga⁺mi⁺tay⁺ kyaah⁺ hmooh⁺ he⁻ ga⁺jmeen⁺ kyaayh⁺,
he⁻ja⁻ ga⁺jnuuhn⁻ kiyh⁺, ga⁺jäh⁺ Dio.

¹⁰ He⁻ja⁻, lä⁺la⁻ ba⁺ la⁺ hmooh⁺ he⁻ jmeen⁻ kyaayh⁺,

wa⁺ra⁻ ga⁺dsëë⁺ jmi⁺ ja⁻, ga⁺jäh⁺ Dsa⁻jøøh⁺ jnän⁻:

Toohn⁻ lley⁺ lä⁺jë⁺ ley kin⁺.

Siin⁻ neh⁺ tuh⁻dsëy⁺ juu⁺ kin⁺.

Ma⁺ja⁻ leen⁺ Dio kyaay⁺,

hi⁺ lä⁺jëë⁺ hi⁻ he⁺ lee⁺ dsa⁻ kyaan⁺.

¹¹ Ma⁺ja⁻, mo⁺so⁺ kwa⁺ dsa⁻ juu⁺ kih⁺ dsa⁻goo⁺.

Ni⁺ jaa⁻ mo⁺so⁺ siih⁺ øøh⁺:

“Wa⁺ lä⁺kyuuh⁺ Dsa⁻jøøh⁺ jnän⁻.”

Jëeh⁺, lä⁺jøh⁺ lä⁺mäh⁺ ba⁺ lä⁺kyuu⁺ jnä⁺.

¹² Jëeh⁺, ko^on⁻ dsën⁺ kih⁺ ga⁻lä⁺jë⁺ he⁻ hliih⁺ he⁻ ma⁻jmeey⁺.

Jih⁺koh⁺ jih⁺lih⁺, mo⁺so⁺ lä⁻dsooh⁻ dsën⁺ lä⁺jë⁺ dso⁺kye⁻ kiyh⁺, ga⁺jäh⁺
Dio.

¹³ He⁻ ga⁺hlëeh⁺ Dio kih⁺ hmooh⁺ hmëë⁺ ja⁻, ga⁺jmeey⁺ ma⁻gyuh⁻ ba⁺
hmooh⁺ to⁻ñë⁺ ja⁻. Hi⁺ lä⁺jë⁺ he⁻ ngoo⁺ dsa⁻gyuh⁺, lloo⁻ jmi⁺ ääh⁺ go⁻te⁻.

Gwah⁺ he⁻ chih⁺ hwa⁺ la⁻ jee⁺ ma⁺ jmee⁺ jmi⁻dsa⁻ ta⁺he⁺ kih⁺ Dio

9 ¹ Hmooh⁺ he⁻ ma⁺ la⁺ to⁻ñë⁺ ja⁻, ma⁺ jmee⁺ hih⁺ ha⁻ lä⁺ ga⁺hnaah⁻
dsa⁻ Dio, hi⁺ ha⁻ lä⁺ ga⁺jmeey⁺ dsa⁻ ko^o gwah⁺ kyaah⁺ loo⁺ jah⁺.

² Gwah⁺ ja⁻, ma⁺ la⁺ to⁺ jee⁻. Jee⁺ to⁻ñë⁺ ja⁻, ma⁺ chee⁻ Jee⁺ Na⁻jngii⁺. Jee⁺
ja⁻ ma⁺ chih⁺ candelero, kyaah⁺ ko^o mes⁻ jee⁺ ma⁺ hla⁻ he⁻ñiih⁻ he⁻
na⁻jøø⁻. Hi⁺ ma⁺ hii⁺ ko^o sa⁺hmiih⁻ ho⁺haah⁺. ³ Ta⁺ ka⁺luu⁺ llah⁺ jee⁺ ma⁺
hii⁺ jee⁺ ga⁺të⁺ to⁺ sa⁺hmiih⁻ chee⁻ Jee⁺ Na⁻jngii⁺ Go⁻te⁻. ⁴ Jee⁺ ja⁻ ma⁺ chih⁺
ko^o na⁺hyoo⁺ he⁻ ma⁺ la⁺ kyaah⁺ ku⁺nøø⁻ jee⁺ ma⁺ koo⁻ wa⁺chu⁻. Hi⁺ ma⁺
chih⁺ ko^o goo⁺ he⁻ na⁻løø⁻ kyaah⁺ ku⁺nøø⁻. Goo⁺ ja⁻ ma⁺ chee⁻ goo⁺ kih⁺
hmooh⁺. Neh⁺ goo⁺ ja⁻ ma⁺ hä⁺ ko^o mi⁺hya⁻ jee⁺ ma⁺ tääh⁺ miih⁻ maná.
Hi⁺ ma⁺ hä⁺ síhma⁻ kih⁺ Aarón he⁻ ga⁺hyo⁺ sa⁺jih⁺ ko^o hä⁺, hi⁺ ma⁺ tääh⁺
jwí⁺ ku⁺ jma⁺ jee⁺ na⁻si⁻ hmooh⁺ ka⁻läh⁺. ⁵ Në⁺ kih⁺ wa⁺goo⁺ ja⁻, ma⁺
na⁻laa⁻ uu⁺ querubine hi⁻ ma⁺ tääh⁺ høø⁺ jee⁺ na⁻jngii⁺ go⁻te⁻. Ma⁺
na⁻ñiih⁻ sa⁺kyooy⁺ ma⁺ dsa⁻jlë⁺ hoo⁺ wa⁺goo⁺ ja⁻. Pero na⁺ ga⁺jüh⁻ sa⁺ le⁺
kwan⁻ cha⁻ga⁺miih⁻ juu⁺ kih⁺ lä⁺jë⁺ he⁻ ja⁻.

⁶ Ma⁻la⁺ ba⁺ ma⁺ chih⁺ lä⁺jë⁺ he⁻ ja⁻, ma⁺ dsa⁻taah⁻ jmi⁻dsa⁻ ko⁻lla⁻jiih⁻
to⁻ñë⁺ llah⁺ kih⁺ gwah⁺ ja⁻, mah⁺ ma⁺ jmeey⁺ ta⁺he⁺ kih⁺ Dio. ⁷ Pero jee⁺
ga⁺të⁺ to⁺ llah⁺ ja⁻, ma⁻la⁺ jmi⁻dsa⁻ jøøh⁺ ba⁺ ma⁺ dsa⁻he⁺ jee⁺ ja⁻, ko^o hä⁺
ba⁺ lä⁺ko^o jì⁻ñë⁻. Hi⁺ sa⁺ ma⁺ dsa⁻hey⁺ ta⁺jmah⁺. Ma⁺ jmee⁺ bii⁺ kiyh⁺ ma⁺
dsa⁻hey⁺ kyaah⁺ jma⁻ kih⁺ jah⁺ mah⁺ dsa⁻chë⁻ dso⁺kye⁻ kiyh⁺, hi⁺ lä⁺ja⁻
ka⁻läh⁺ kih⁺ dsa⁻ kyaay⁺ hi⁻ sa⁺ liih⁻ ma⁺ dsa⁻hlääh⁺ kyaah⁺ dso⁺kye⁻. ⁸ Kih⁺
he⁻ ma⁺ dsa⁻he⁺ jmi⁻dsa⁻ ko^o hä⁺ ba⁺ lä⁺ko^o jì⁻ñë⁻ Jee⁺ Na⁻jngii⁺ Go⁻te⁻,

he⁻ja⁻ Jmi⁻lle⁻ Na⁻jngii⁻ ga⁻jmee⁻ lä⁻ngëen⁻ he⁻ sa⁻ ma⁻ cha⁻ jwë⁻ jnän⁻ ma⁻ dsa⁻toohn⁻ jee⁻ ja⁻, ta⁻ko⁻jiih⁻ chih⁻ llah⁻ to⁻në⁻ ja⁻. ⁹ Lä⁻jë⁻ he⁻ ma⁻ jmeey⁻ neh⁻ gwah⁻ ja⁻, jmä⁻ jnän⁻ hi⁻ tääh⁻ na⁻. He⁻ ja⁻ jmeey⁻ dsa⁻lä⁻ngëe⁻ jne⁻ he⁻ ma⁻ kwëeh⁻ dsa⁻ he⁻ Dio kyaah⁻ he⁻ ma⁻ jëy⁻ në⁻ na⁻hyoo⁻, sa⁻ le⁻ ma⁻ gyiyh⁻ tuh⁻dsë⁻ dsa⁻ hi⁻ ma⁻ kwa⁻ he⁻ ja⁻. ¹⁰ Jëeh⁻, lä⁻jë⁻ juu⁻ ja⁻, koo⁻ hlëeh⁻ kih⁻ he⁻ kih⁻hih⁻ jne⁻, hi⁻ ha⁻ lä⁻ gyih⁻ jne⁻ he⁻ koo⁻ jmeey⁻ jne⁻. He⁻ koo⁻ jmeey⁻ hih⁻ kih⁻ jmi⁻ngo⁻ jnän⁻ ba⁻ ja⁻, ta⁻ko⁻jiih⁻ sa⁻ ga⁻ ma⁻lloo⁻ jmi⁻ mi⁻sii⁻ Dio lä⁻jë⁻.

Ga⁻jmeey⁻ Cristo koo⁻ hmooh⁻ hmëe⁻ kyaah⁻ jma⁻ kiyh⁻

¹¹ Pero na⁻ he⁻ ma⁻ja⁻ Cristo, laay⁻ jmi⁻dsa⁻ jøøh⁻ jnän⁻ hi⁻ kwa⁻ lä⁻jë⁻ he⁻ llu⁻ he⁻ na⁻ ga⁻ jä⁻. Hi⁻ ga⁻lloo⁻ neh⁻ gwah⁻ he⁻ juuh⁻ ga⁻ he⁻ llu⁻ go⁻te⁻. Sa⁻ la⁻ gwah⁻ kih⁻ jmi⁻gyuu⁻ la⁻ ni⁻ ja⁻ he⁻ dsa⁻ hi⁻ ga⁻jmeey⁻ gwah⁻ ja⁻. ¹² Hi⁻ lä⁻ ma⁻ ga⁻lloo⁻ jee⁻ ja⁻, sa⁻ ma⁻ kyey⁻ jma⁻ kih⁻ chivo dso⁻, ni⁻ kih⁻ kya⁻ mäh⁻. Ma⁻ kyey⁻ jma⁻ kih⁻ hñiiy⁻ ba⁻ hi⁻ koo⁻ hä⁻ ja⁻ ba⁻ ga⁻hey⁻ Jee⁻ Na⁻jngii⁻ Go⁻te⁻. Lä⁻ja⁻ ga⁻liyh⁻ ga⁻lääy⁻ jne⁻ lä⁻jë⁻ joh⁻ jmi⁻ cha⁻. ¹³ Lä⁻hih⁻ kih⁻ hmooh⁻ to⁻në⁻ ja⁻, kyaah⁻ jma⁻ kih⁻ kya⁻ dso⁻ hi⁻ kyaah⁻ jma⁻ kih⁻ chivo dso⁻ hi⁻ kyaah⁻ tu⁻jwa⁻ kih⁻ kya⁻ më⁻ mäh⁻ ma⁻ huuy⁻ në⁻ kih⁻ dsa⁻. Lä⁻jë⁻ he⁻ ja⁻, koo⁻ ma⁻ dsa⁻jñii⁻ jmi⁻ngo⁻ kih⁻ dsa⁻ hi⁻ ma⁻ dsa⁻hlääh⁻ cha⁻në⁻ ley⁻ ja⁻. ¹⁴ Ha⁻ ga⁻ sa⁻ kyee⁻ jma⁻ kih⁻ Cristo. Ga⁻ngëey⁻ hñiiy⁻ ga⁻juuy⁻ kyaah⁻ be⁻ kih⁻ Jmi⁻lle⁻ he⁻ cha⁻ tää⁻. Cristo hi⁻ sa⁻ ää⁻ ni⁻ miih⁻, ga⁻kwaay⁻ hñiiy⁻ kih⁻ Dio mah⁻ jñii⁻ neh⁻ tuh⁻dsë⁻ jne⁻ kih⁻ he⁻ hliih⁻ he⁻ jngiih⁻ jnän⁻. Lä⁻ja⁻ ma⁻na⁻lluuy⁻ jne⁻ mah⁻ jmeen⁻ ta⁻he⁻ kih⁻ Dio jiih⁻.

¹⁵ Kih⁻ he⁻ ja⁻, Cristo he⁻ hi⁻ ga⁻jmeey⁻ koo⁻ hmooh⁻ hmëe⁻. Ga⁻juuy⁻ mah⁻ ga⁻chey⁻ lä⁻jë⁻ he⁻ ma⁻ hlääh⁻ jne⁻ cha⁻në⁻ hmooh⁻ to⁻në⁻ ja⁻. Heh⁻ lä⁻ja⁻, lä⁻jëe⁻ hi⁻ na⁻teeh⁻, hyoyh⁻ heey⁻ he⁻ ga⁻bääh⁻ Dio hñii⁻ kwa⁻ he⁻ sa⁻ hee⁻ jih⁻koh⁻.

¹⁶ Cher⁻mah⁻ ga⁻jmeey⁻ dsa⁻ koo⁻ hmooh⁻ he⁻ jäh⁻, hi⁻ na⁻ tëe⁻ he⁻ cha⁻ kiyh⁻, sa⁻ jmää⁻ hmooh⁻ ja⁻, ta⁻ko⁻jiih⁻ sa⁻ ma⁻juu⁻ hi⁻ ga⁻jmeey⁻ hmooh⁻ ja⁻. ¹⁷ Ma⁻ngëe⁻ ma⁻juu⁻ dsa⁻ hi⁻ ga⁻jmeey⁻ hmooh⁻ ja⁻, ja⁻ ga⁻ løø⁻ jmeey⁻ ta⁻ hmooh⁻ ja⁻. Sa⁻ jmää⁻ ta⁻, ta⁻ko⁻jiih⁻ chaay⁻. ¹⁸ Ja⁻ba⁻ lä⁻ja⁻ ga⁻la⁻ kih⁻ hmooh⁻ to⁻në⁻ ja⁻, ga⁻løø⁻ jmeey⁻ ta⁻ kyaah⁻ he⁻ ga⁻tuu⁻ jma⁻. ¹⁹ Jëeh⁻, ma⁻ngëe⁻ ma⁻jmeeh⁻ Moisé juu⁻ kih⁻ dsa⁻ he⁻ lä⁻hi⁻ në⁻ lä⁻koo⁻ na⁻sii⁻ ley⁻, ja⁻ ga⁻ ga⁻kay⁻ jma⁻ kih⁻ kya⁻ mäh⁻, jma⁻ kih⁻ chivo dso⁻, mah⁻ ga⁻kaayh⁻ kyaah⁻ jmi⁻. Ga⁻kay⁻ miih⁻ jñu⁻ kih⁻ borrego he⁻ ma⁻na⁻hee⁻ hee⁻ gyuu⁻ kyaah⁻ sa⁻goh⁻ hisopo. Ga⁻mi⁻gyuyh⁻ he⁻ ja⁻ mah⁻ ga⁻huuy⁻ në⁻ jee⁻ na⁻sii⁻ juu⁻ ja⁻, hi⁻ lä⁻kye⁻ në⁻ kih⁻ dsa⁻. ²⁰ Ga⁻jäyh⁻: “Kyaah⁻ jma⁻ la⁻ løø⁻ jmeey⁻ ta⁻ lä⁻koo⁻ hmooh⁻ he⁻ ga⁻jmeey⁻ Dio kyaah⁻ hnäh⁻.” ²¹ Hi⁻ ja⁻ ma⁻la⁻ jee⁻ ja⁻. Lä⁻kye⁻ kih⁻ gwah⁻ ga⁻jñeey⁻ jma⁻ ja⁻, hi⁻ lä⁻kye⁻ kih⁻ kyah⁻wii⁻ he⁻ ma⁻ jmääh⁻ jmi⁻dsa⁻ ta⁻ jee⁻ ja⁻. ²² Lä⁻koh⁻ he⁻ ma⁻ dsa⁻jñii⁻ lä⁻jë⁻ ba⁻ kyaah⁻ jma⁻, lä⁻koo⁻ lle⁻ ley⁻ ja⁻. Wa⁻ra⁻ jäh⁻ kih⁻ sa⁻ ga⁻tuu⁻ jma⁻, sa⁻ ma⁻ dsa⁻che⁻ dso⁻kye⁻ kih⁻ dsa⁻.

Kyaah' jma' kih' Cristo dsa'che` dso'kye` jnan`

²³ Ga'la' bii' he' ga'jngii' gwah' kih' dsa' he' la' la'koo' gwah' he' ga'jee' Moisé gyuu' jmi'gyuu'. Pero hnøø' kwëeh' dsa' Dio he' llu' ga', mah' jnii' gwah' he' chih' gyuu' jmi'gyuu'. ²⁴ He'ja' sa' ga'he' Cristo gwah' he' ga'jme' dsa', he' la' la'koo' he' chih' gyuu'. Ga'hey' ma'ra' gwah' he' chih' gyuu' jmi'gyuu' ba', mah' nooy' në' jnan' cha'në' Dio. ²⁵ Pero sa' neey' ko'lla'jiih' na'kay' jma' kiyh', la'koo' ma' jme' jmi'dsa' jøøh' he', ma' dsooy' la'jè' jinne', ma' dsa'kay' jma' kih' jnah' jee' ma' jah' dsa' kih' Jee' Na'jngii' Go'te'. ²⁶ Joh' jiih' sa' ma' jme' bii' ma' jee' Cristo wii' la'jiih' ma' ga'nøø' jmi'gyuu' wa'ra' jah' kih' la'ja' la'. Pero na' jee' ngoo' ga'dsaa' jmi' he' tøøh' jne' la', ga'ngëey' hñiiy' ga'juuy' koo' hä' ja'ba' mah' mi'llaay' go'te' la'jè' dso'kye'. ²⁷ La'koo' lle' kih' dsa' jmi'gyuu' la', koo' hä' ba' dsa'juuy'. Ma'ngëey' he' ja', ja'ga' lla' Dio ta' kiyh'. ²⁸ Ja'ba' la'ja' la' kih' Cristo. Koo' hä' ja'ba' ga'kwa' Dio ga'juuy' mah' ga'chey' la'jè' dso'kye' kih' jwëy'. Ja'ga' la'jnäy' ka'läh' jee' tē' to' jiih', pero ja' kih' dso'kye' ja' jäyh'. Jäyh' läay' la'jèe' hi' tääh' jäy' ya'teey'.

10 ¹ Jëeh' ley kih' Moisé koo' ga'mi'jnä' miih' kih' he' llu' he' ja'ga' ja'. Sa' ma' la' koo' heh' la'koo' la' he' cha' gyuu'. Kih' he'ja', jih'koh' sa' ga'jmä' ma' hwëe' dsa' he' lluu' kyaah' he' ma' jëey' jah', he' ma' jmeey' la'jè' jinne' he' ma' hnaayh' Dio. ² Wa'ra' jah' kih' ga'hwëey' lluu', ga'tuy' kih', he' ma' kwëeyh' Dio. Jëeh', wa'ra' jah' kih' ga'jmä' he' ja' ga'jäy' na'jngëey', mo'so' ma' jme' gyih' hu'dsë' he' cha' dso'kye' kiyh'. ³ Pero he' jëe' dsa' jah' la'jè' jinne', koo' jme' mi'dsooh' dsëy' he' cha' dso'kye' kiyh' ba' ja'. ⁴ Jëeh', jma' kih' kya' dso', hi' jma' kih' chivo dso', sa' jmä' mah' che' dso'kye' kih' dsa'.

⁵ He'ja' ma' ja' Cristo jmi'gyuu' la', ga'jäyh' siiyh' Dio:

Sa' ga'tih' hoh' he' kaa' jah' ni' he' ga' jyoh' he' kwëeh' dsa' hne'. Ga'jmeeh' ga'laan' jmi'ngo' ba'.

⁶ Sa' ga'tih' hoh' he' kaa' jah' ni' he' ga' jyoh' he' kwëeh' dsa' hne' kwaat' kih' dso'kye'.

⁷ He'ja' ga'jwahn': "Hii' jnä' la', ma'jan' mah' jmeen' lä' hnooh' hñaah', hne' Dio kyaan'.

Jme' ba' jnä' la'koo' ma'na'sii' kin'."

⁸ To'në' jee' na'sii' kih' juu' la', jah' lä'la': "He' kaa' jah', hi' he' ga' jyoh' he' kwëeh' dsa' hne' kwaat' kih' dso'kye', sa' ga'hiih' ma' heeh' ni' sa' ga'tih' hoh'." Ma' kwa' dsa' he' ja', lä'hih' kih' ley ba' ja'.

⁹ Ja'ga' ga'jäyh': "Hii' jnä' la' Dio kyaan', ma'jan' mah' jmeen' lä' hnooh' hñaah'." Juu' ja', jme' ta' koo' ley ma'gyuh' he' la' to'në', mah' jä' jee' ga'të' to' hmooh'. ¹⁰ Ga'heeh' Jesús ga'jmeey' lä' hyoh' dsë' Dio,

he⁻ja⁻ ba⁻ ja⁻, ga⁻laa⁻ jne⁻ na⁻jngëe⁻, lä⁻llu⁻ he⁻ ga⁻ngëey⁻ hñiiy⁻ ga⁻juuy⁻ kyaah⁻ koo⁻ hä⁻ ja⁻ba⁻.

¹¹ Lä⁻ja⁻, lä⁻jë⁻ jmi⁻ ba⁻ ma⁻ cheh⁻ jmi⁻dsa⁻ he⁻ jmeey⁻ ta⁻he⁻. Ko⁻lla⁻jiih⁻ ba⁻ jëey⁻ jah⁻ në⁻ na⁻hyoo⁻. Koo⁻ ba⁻ he⁻ ja⁻ jmah⁻, la⁻ ta⁻ kiyh⁻, he⁻ sa⁻ jmää⁻ jih⁻koh⁻ che⁻ dso⁻kye⁻ kih⁻ dsa⁻. ¹² Pero Cristo ga⁻kwaay⁻ hñiiy⁻ ga⁻juuy⁻ kih⁻ dso⁻kye⁻ jnän⁻ koo⁻ hä⁻ ja⁻ba⁻, ja⁻ga⁻ ga⁻gyay⁻ jwoo⁻ ra⁻llu⁻ kih⁻ Dio. ¹³ Jee⁻ ja⁻ jøøy⁻ lä⁻jiih⁻ llaa⁻ Dio ta⁻ hwa⁻ hu⁻ tiy⁻ lä⁻jëe⁻ hi⁻ na⁻høøh⁻ kiyh⁻. ¹⁴ Jëeh⁻ kyaah⁻ koo⁻ hä⁻ ba⁻ ga⁻kwaay⁻ hñiiy⁻ ga⁻juuy⁻, lä⁻ja⁻ ga⁻jmääy⁻ llu⁻ lä⁻jë⁻ joh⁻ jmi⁻ cha⁻, lä⁻jëe⁻ hi⁻ na⁻jngëe⁻ kyaay⁻. ¹⁵ Jmi⁻lle⁻ Na⁻jngii⁻ jmeey⁻ ju⁻dsoo⁻ kih⁻ juu⁻ ja⁻. Jëeh⁻, ma⁻ngëe⁻ ma⁻jäyh⁻ lä⁻la⁻:

¹⁶ Lä⁻la⁻ ba⁻ la⁻ hmooh⁻ he⁻ jmeen⁻ kyaayh⁻, wa⁻ra⁻ ga⁻dsëe⁻ jmi⁻ ja⁻, ga⁻jäh⁻ Dsa⁻jøøh⁻ jnän⁻.

Toohn⁻ lley⁻ lä⁻jë⁻ ley⁻ kin⁻.

Siin⁻ neh⁻ tuh⁻dsëy⁻ ka⁻läh⁻.

¹⁷ Ja⁻ga⁻ ga⁻jäyh⁻ ka⁻läh⁻:

Jih⁻koh⁻ jih⁻lih⁻, mo⁻so⁻ lä⁻dsooh⁻ dsën⁻ lä⁻jë⁻ dso⁻kye⁻ kiyh⁻.

¹⁸ He⁻ ma⁻na⁻che⁻ dso⁻kye⁻ jnän⁻, mo⁻so⁻ jmee⁻ bii⁻ he⁻ ga⁻kwëehn⁻ Dio kwaat⁻ kih⁻ dso⁻kye⁻.

Jmee⁻ bii⁻ hnääh⁻ Dio

¹⁹ Lä⁻ja⁻ hnäh⁻ øøhn⁻, ta⁻la⁻ kih⁻ he⁻ ga⁻tuu⁻ jma⁻ kih⁻ Jesucristo, ma⁻na⁻na⁻ jwë⁻ jnän⁻ dsa⁻toohn⁻ Jee⁻ Na⁻jngii⁻ Go⁻te⁻. ²⁰ Wa⁻ dsa⁻toohn⁻ jwë⁻ hmëe⁻ he⁻ jmee⁻ chaa⁻ jne⁻, he⁻ ga⁻näy⁻ jnän⁻ lä⁻ ma⁻ ga⁻hey⁻ ta⁻ ka⁻luu⁻ hmiih⁻ he⁻ ma⁻ hii⁻ jee⁻ ga⁻të⁻ to⁻ lla⁻. Hmiih⁻ ja⁻ la⁻ kwaat⁻ jmi⁻ngo⁻ kih⁻. ²¹ Chaa⁻ jaa⁻ jmi⁻dsa⁻ jøøh⁻ hi⁻ cheh⁻ në⁻ jnän⁻, jne⁻ hi⁻ llaa⁻ kya⁻ Dio. ²² He⁻ja⁻ lä⁻kaa⁻ tuh⁻dsë⁻ jne⁻ wa⁻ hnääh⁻ Dio. Jëeh⁻, ma⁻ në⁻ ba⁻ jne⁻ he⁻ ma⁻heeh⁻ jne⁻ kih⁻ Dio. Ma⁻na⁻jngii⁻ neh⁻ tuh⁻dsë⁻ jne⁻ he⁻ja⁻ mo⁻so⁻ cha⁻ ga⁻ he⁻ mo⁻ hni⁻ jnän⁻, hi⁻ ma⁻na⁻jngii⁻ jmi⁻ngo⁻ jnän⁻ kyaah⁻ jmi⁻ jëe⁻. ²³ Wa⁻ chooh⁻ jne⁻ koo⁻ hweh⁻ he⁻ o⁻jøh⁻ dsë⁻ he⁻ kyë⁻ jne⁻. Ni⁻ miih⁻ sa⁻ wa⁻ jeh⁻ dsë⁻ jne⁻, jëeh⁻, mi⁻te⁻ ba⁻ Dio lä⁻koo⁻ ga⁻bääh⁻ hñiiy⁻. ²⁴ Wa⁻ hnøøhn⁻ ha⁻ lä⁻ jmeen⁻ mah⁻ jä⁻ dsë⁻ øøh⁻ jne⁻ lä⁻hnääh⁻ cha⁻ga⁻miih⁻ dsa⁻kyaayh⁻ hi⁻ lä⁻ja⁻ jmeey⁻ cha⁻ga⁻miih⁻ he⁻ llu⁻. ²⁵ Sa⁻ wa⁻ tun⁻ he⁻ dsa⁻ñee⁻ jne⁻, lä⁻koo⁻ tëe⁻ ko⁻llaa⁻. Wa⁻ hlëehn⁻ dsa⁻kyaahn⁻. Hi⁻ cha⁻ga⁻miih⁻ wa⁻ kwan⁻ be⁻ kih⁻ øøh⁻ jne⁻, na⁻ he⁻ jëe⁻ jne⁻ ma⁻ngoo⁻ ya⁻jäh⁻ jmi⁻.

²⁶ Jëeh⁻, cher⁻mah⁻ ga⁻jmee⁻ ga⁻ jne⁻ dso⁻kye⁻ he⁻ në⁻ jne⁻ sa⁻ sooh⁻ jmeen⁻ hi⁻ ma⁻ngëe⁻ ba⁻ ma⁻kyuuh⁻ jne⁻ ju⁻dsoo⁻, hee⁻ ga⁻ ja⁻ mo⁻ kwëeh⁻ jne⁻ Dio kwaat⁻ kih⁻ dso⁻kye⁻. ²⁷ Kih⁻ hi⁻ he⁻, jä⁻ ga⁻ koo⁻ he⁻ jmee⁻ goo⁻ jwërte⁻ jnän⁻, he⁻ lla⁻ Dio ta⁻ kyaah⁻ je⁻ he⁻ jëey⁻ go⁻te⁻ lä⁻jëe⁻ hi⁻ na⁻høøh⁻ kiyh⁻. ²⁸ Kih⁻ hi⁻ sa⁻ ga⁻tooh⁻ ta⁻ ley⁻ kih⁻ Moisé, cher⁻mah⁻ ma⁻ chaa⁻ uu⁻ uu⁻ hi⁻ ma⁻ hni⁻ kih⁻ hi⁻ he⁻, sa⁻ ga⁻lä⁻ñih⁻ dsëy⁻ ga⁻jngëeyh⁻. ²⁹ Ha⁻ koh⁻ wi⁻ sa⁻ hnøø⁻ kih⁻ dsa⁻ hi⁻ mi⁻kwah⁻ Jo⁻ Dio hi⁻ kih⁻ hi⁻ sa⁻

tooh̄ ta' jma' kiyh' he' kyaah' ga'la' hmooh' he' ga'jmäy' jne' na'ngëë'. Hi' lä'ja' hnøø' kih' hi' sa' tooh̄ ta' kih' Jmi' lle' hi' hnäa' jne'.
³⁰ Jëeh', kyuu' ba' jne' hi' ga'jah' lä'la': "Jnä' ba' teehn' jwi~, jnä' ba' mi'hmaahn' kiyh'." Koo' ka'läh' na'sii': "Dsa'jøøh' jnän' ngiiyh' kwaat' kih' dsa' kyaay'." ³¹ He' ba' che' goo' la' jnän' wa'ra' ga'jaa' jne' kih' Dio jiih'.

³² Mi'dsooh' da' hoh' hnäh' ha' lä' ga'la' jää', lä'koo' ma' ga'na' huúdsë' kyah' hnäh'. Ga'lä'be' ba' hoh' hnäh' ma'ke' cha'miih' ngëë' he' wii' ja' në' kyah' hnäh'. ³³ Ga'ta' ga'haah' dsa' hnäh' hi' ga'jmeeyh' hnäh' to'lo' në' dsa'. Hi' ja' ma'la' he' ja'. Ga'jmeeh' hnäh' kō'jøh' kyaah' hi' ma' jëë' wii' ka'läh'. ³⁴ Ga'lä'nih' hoh' hnäh' kih' hi' ma' tääh' neh'ñe'. Hi' ga'lä'chaah' hnäh' llu' lä' ma' ga'jnuuh' dsa', he' ma' cha' kyah' hnäh'. Jëeh', ma'ñeh' ba' hnäh', cha' kyah' hnäh' gyuu' jmi' gyuu' he' llu' ga' he' sa' hee' jih'koh'.

³⁵ Ta' wa' gaa' hoh' hnäh' kih' o'jøh' dsë' he' ma'cha' kyah' hnäh'. Jëeh', kyaah' he' ja', hñah' hnäh' cha'miih' jñeeh' hnäh'. ³⁶ Hnøø' kwëeh' hoh' hnäh' jmeeh' hnäh' lä' hyoh' dsë' Dio, mah' hñah' hnäh' he' ga'bäy' hñiiy'.

³⁷ Lä'koo' jah' jee' na'sii' juu' kih' Dio:

Miih' ga' jmee'.

Hi' nøø' juu' jah', ma'ra' he' jah' bih', mo'so' lä'hëy'.

³⁸ Pero dsa' hi' lluu', kyaah' he' ma'dsoo' dsëy', jmee' chaay'.

Hi' cher'mah' ga'jeeyh' ta' ka'luuy', sa' chaan' llu' kyaayh', ga'jah' Dio.

³⁹ Pero jne', sa' laa' jne' lä'koo' hi' dsa'jeeh' ta' ka'luu' hi' dsa'hëë' go'te'. Jëeh', ma'dsoo' ba' dsë' jne' kih' Jesús, he'ja' lää' ba' jne'.

Hee' ja' he' jmee' jne' dsoo' dsë' jne'

11 ¹ He' ma'dsoo' dsë' jne' hnøø' jah': sa' na'hee', ñe' ba' jne' he' tëë' jne' he' jøøn' hñah' jne' kih' Dio. Hi' hnøø' jah' ka'läh': jmee' ba' jne' dsoo', cha' ba' he' ja' ma'ke' sa' tëë' jne' jëën'.

² Dsa' ma' cha' llo'joo', kyaah' he' ga'lä'dsoo' dsëy', ga'hlëeh' dsa' llu' kih'.

³ Heh' he' ma'dsoo' dsë' jne', he'ja' ba' ga'lä'ngëë' jne', ga'la' lä'jë' he' cha' gyuu' hwa' kyaah' koo' ga'hlëeh' Dio. He' lä'ja', ga'jmeey' Dio lä'jë' he' jnä', ja' ba' kyaah' he' sa' tëë' jne' jëën'. ⁴ Kih' he' ga'lä'dsoo' dsë' Abel, ga'kwëeyh' Dio he' llu' cha'ga'miih' lä'koh' ga' he' ga'kwa' Caín. Kih' he'ja', ga'hi' juu' kih', ya'hëy' lluu'. Ga'heeh' ba' Dio he' ga'kway'. Hi' ma'ke' ma'na'juu' Abel, lä' ma'ngoo' ja' ba' cha' juu' kih' lä'llu' he' ma'dsoo' dsëy'.

⁵ Kih' he' ga'lä'dsoo' dsë' Enoc, ga'tëë' Dio lä' ma'jiiyh' ja' mah' sa' ma'juuy'. Ma' ga'hnaah' dsih', mo'so' ga'jnäy'. Jëeh', ga'tëë' ba' Dio lä' ma'jiiyh' ja'. Hi' jää' sa' ga' ma'ngaayh', ga'hi' juu' kih' he'

ga'jmeey' he- tih~ dsë! Dio. ⁶ Pero cher'mah' sa' ga'jmeey' jne' dsoo' dsën- kih! Dio, ni' miih- sa' lä'këh' jne' jmi' jmeen' he- tih! dsëy'. Jëeh', lä'jëë- hi- ya-nää' kih! Dio, hnøø' dsoo' dsëy' he- chaa- ba' Dio hi' jmeey' bii' dsoo' dsë- jne' he- mi-hmaayh` kih! lä'jëë- hi- hnaayh-.

⁷ Ga-lä-dsoo' ba' dsë! Noé lä'koo- ma' ga-jäh' Dio siiyh~, jä- lä'jë- he- sa' ga' ma-jëey'. Kih! he- gayh- Dio, ga'jmeey' koo- barco jee' ga-laa' lä'jëë- hi- chaa- kyaay'. Hi' kih! he- ga-lä-dsoo' dsëy', ga'jmeey' ga-jä' dso'jwi' në' kih! dsa- jmi-gyuu-. Hi' ga-jmää' Dio kwaat~ ya'hëey' lluu' kih! he- ga-lä-dsoo' dsëy'.

⁸ Kih! he- ga-lä-dsoo' dsë! Abraham, lä'koo- ma' ga-tëe' Dio kiyh!, ga'hëeyh- ba' dsooy' ta' jee' la' kwaat~ hyoyh- he- la' hëey'. Hi' ni' sa' ñey- ha- ta' ma' dsooy', ma' ya'hëey' jee' ma' gyay' ja-. ⁹ Kih! he- ma' dsoo' dsë! Abraham, ga'hëeh- bih! he- ga-gyay- hwa' jee' ga-bääh- Dio hñii', laay' lä'koo- jaa- dsa- chaa- uu' hi- ga-gya- hwa' kih! dsa-. Sa'hmiih- ba' ga-hiyy' jee' ga-gyay-. Ja- ba' lä'ja- ga-gya- Isaac kyaah' Jacob ka-läh', hi- ga-tëe' hëe' kō-jōh' kyaah' Abraham lä'koo- ga-bääh- Dio hñii'. ¹⁰ Ga-kwëeh' ba' dsë! Abraham, kih! he- ma' jøøy- tëey' koo- jwi' he- chih! koo- hweh- he- ga'jmeey' Dio lä- hyoh- dsë'.

¹¹ Kih! he- ma' dsoo' dsë! Sara, ga-hyoyh' be' he- ga-kaay' gyuu-, ma'ke- sa' ma' le' ma' kaay'. Hi' ga-lä-chaa- ba' gyuu- kyaay' ma'ke- ma-gyuyh-. Jëeh' ga'jmeey' dsoo' he- mi-te' Dio juu' he- ga-bäayh- hñiiy'. ¹² He- lä'ja-, kih! jaa- ba' dsa-ñuuh- he', ma'ke- ma-ya-jäh- llaa- jmi' kiyh!, këë- ga' ga-lä-jwëë' jwërte dsa- kyaay', lä'koo- jwëë' nuu' hi- hëe- gyuuh! hi' lä'koo- mi'sii' he- cha- cha'hoo' jmi-ñeeh-, he- sa' tää- jne' hen'.

¹³ Lä'jëë- dsa- he', lä- ma-dsoo' ja- ba' dsëy' lä'jiih' ga'juuy'. Sa- ga-hyoyh' he- ga-tøø' Dio hih- ma' kwëeyh'. Pero ga'jmeey' bih! dsoo', ma-ra' he- tëey' ba'. La' lä'koo- he- ga-jëey' uu' jee' ma' täayh' ja-, hi- la' lä'koo- he- ga'jmeey' Dio kih! ba'. Ga-jmääy' hñiiy' lä'koo- dsa- chaa- uu', hi- tääh' kō-hwëë' ba' jmi-gyuu- la-. ¹⁴ Lä'jëë- hi- hlëeh- lä'ja-, dsa-lä-ngëe' jne' kiyh!, he- hnooyh- høøy' jee' dsa-taayh' tää'.

¹⁵ Wa-ra- jäh' kih! ma' hlëeh- dsa- he' kih! hwa' jee' ga-hwëey- ja-, ma' jä- ba' kiyh! ma' dsa-näay' ka-läh' jee' ga-hwëey- ja-. ¹⁶ Pero dsa- he', ma' hëe' dsëy' koo- hwa' he- llu' cha-ga'miih- he- hla- gyuuh!. Kih! he-ja-, sa' la' o-hih- kih! Dio he- jäyh', laay' Dio kyaay' dsa- he'. Jëeh', ma-na-la- ba' koo- jwi' he- ga'jmeey' kih! dsa- he'.

¹⁷ Kih! he- ma' dsoo' dsë! Abraham, lä'koo- ma' ga'jmeey' Dio mada- kiyh! he- ma' jngëeyh' Isaac, ga'hëeh- bih! kwaay' gyuu- koo- mëe' kyaay', ma'ke- ga-bääh- Dio hñii' he- jmeey' llu' kih! Abraham ta-la- kih! gyuu- he'. ¹⁸ Jëeh' ma-ngëe' ba' ma-jäh' Dio siiyh-: "Ta-la- kih! Isaac ba' hwëë- hi- lee' dsa- kyaah'." ¹⁹ Ma' jmeey' Abraham huudsë- he- cha- ba' be' kih! Dio, he- mi-jiyyh- dsa- jee' kih! hi- na-juu'. Kih! Abraham, la' lä'koo- he- ga'juu' jooy' mah' ga-lä-jiyyh- ka-läh'.

²⁰ Kih¹ he⁻ ga⁻lä⁻dsoo³ dsë¹ Isaac, ga⁻mi⁻jääy¹ Jacob kyaah¹ Esaú, ga⁻jäyh³ siiyh⁻ ha⁻ lä⁻ jmee¹ Dio kiyh¹ ta⁻ cha⁻në³.

²¹ Kih¹ he⁻ ga⁻lä⁻dsoo³ dsë¹ Jacob, lä⁻koo⁻ ma⁻ ngoo¹ ga⁻juuy¹, ga⁻mi⁻jääy¹ ma⁻ jaa⁻ ma⁻ jaa⁻ joo³ José, hi⁻ ga⁻jmeey³ juuh⁻ kih¹ Dio na⁻huuy⁻ hma⁻hu⁻ kiyh¹.

²² Kih¹ he⁻ ga⁻lä⁻dsoo³ dsë¹ José, lä⁻koo⁻ ma⁻ ngoo¹ ga⁻juuy¹, ga⁻hlëeyh³ kih¹ he⁻ hwëë⁻ dsa⁻ Israel hwa⁻ Egipto, hi⁻ ga⁻jmeey³ mada⁻ ha⁻ ta⁻ dsa⁻hoo⁻ dsa⁻ jmi⁻ngo¹ kiyh¹.

²³ Kih¹ he⁻ ga⁻lä⁻dsoo³ dsë¹ cho⁻jmi⁻ Moisé, he⁻ja⁻ lä⁻koo⁻ ma⁻ ga⁻lä⁻chaay³, ga⁻hmäy¹ lä⁻jiih¹ ga⁻të³ uu⁻ sih⁻, kih¹ he⁻ ga⁻jëy¹ laa¹ na⁻hñaah¹ gyuu⁻ ñuuh⁻ he³. Sa⁻ ga⁻lä⁻goyh⁻ kyaah¹ mada⁻ he⁻ ga⁻jmeey³ rey he⁻ ma⁻ juu³ lä⁻jëë⁻ gyuu⁻ ñuuh⁻.

²⁴ Kih¹ he⁻ ga⁻lä⁻dsoo³ dsë¹ Moisé, he⁻ja⁻ lä⁻koo⁻ ma⁻ ga⁻lä⁻jøøyh¹, ga⁻jmeey³ sa⁻ kyee³ he⁻ ma⁻ tëeyh¹ joo³ jo⁻mii⁻ Faraón. ²⁵ Ga⁻lä⁻hnøøy¹ ga⁻ he⁻ ga⁻jëy¹ wii³ ko⁻jøh³ kyaah¹ dsa⁻ kyaa¹ Dio, lä⁻koh³ ga⁻ he⁻ ma⁻ lä⁻chaay¹ llu¹ miih⁻ jmi⁻ jmi⁻gyuu⁻ la⁻ ma⁻ jmeey¹ dso⁻kye⁻. ²⁶ Ga⁻jmeey³ huud⁻dsë⁻ llu¹ ga⁻ he⁻ jëy¹ wii³ kwaat⁻ kih¹ Cristo lä⁻koh³ ga⁻ he⁻ chaay⁻ llu¹ kyaah¹ lä⁻jë⁻ he⁻ cha⁻ Egipto. Jëeh³ ma⁻ jøøy⁻ heey⁻ he⁻ nøø³ juu¹ hyoyh⁻.

²⁷ Kih¹ he⁻ ga⁻lä⁻dsoo³ dsëy¹, ya⁻hëey¹ hwa⁻ Egipto. Sa⁻ ga⁻lä⁻goyh⁻ ma⁻ke⁻ ga⁻ya⁻jëë⁻ dsë¹ rey kyaayh¹. Ga⁻kwëeh¹ ba⁻ dsë¹ Moisé, jëeh³ la¹ kiyh¹ lä⁻koo⁻ he⁻ ma⁻jëë⁻ bih¹ Dio hi⁻ sa⁻ tëë¹ jne¹ jëen¹. ²⁸ Kih¹ he⁻ ga⁻lä⁻dsoo³ dsë¹ Moisé, ga⁻jmeey³ jmi⁻ he⁻ kuh⁻ dsa⁻ borrego mäh¹ hi⁻ ga⁻jmeey³ mada⁻ he⁻ chuh¹ dsa⁻ jma⁻ ho⁻haah¹ kih¹, mah¹ ni⁻ jaa⁻ gyuu⁻ ñuuh⁻ hi⁻ laa¹ to⁻në¹ kyaa¹ dsa⁻ Israel sa⁻ juu³, wa⁻ra⁻ ja⁻ ángel jngiih¹ kih¹ gyuu⁻ ñuuh⁻ hi⁻ laa¹ to⁻në¹ kyaa¹ dsa⁻ Egipto.

²⁹ Kih¹ he⁻ ga⁻lä⁻dsoo³ dsë¹ dsa⁻ kyaa¹ Dio, ga⁻ngëey³ jmi⁻ñeeh⁻ gyuu³ lä⁻koo⁻ he⁻ ga⁻näy¹ hwa⁻ kii⁻ ba⁻. Chah³ ba⁻ ga⁻lä⁻hnøø¹ dsa⁻ Egipto ma⁻ ngëë¹ lä⁻ja⁻, pero ga⁻hmäyh¹ cha⁻jmi⁻ ja⁻.

³⁰ Kih¹ he⁻ ga⁻lä⁻dsoo³ dsë¹ dsa⁻ Israel, ga⁻hla⁻ na⁻hyah⁻ kih¹ jee¹ jwii⁻ Jericó, koo⁻ ga⁻jëey¹ lä⁻ku⁻ lä⁻jii⁻ kih¹ na⁻hyah⁻ ja⁻ gyii⁻ jmi⁻ ba⁻.

³¹ Kih¹ he⁻ ga⁻lä⁻dsoo³ dsë¹ Rahab, dsa⁻më³ hi⁻ ma⁻ hnëë⁻ hñii⁻ kyaah¹ wa⁻ hi⁻ cha⁻ hi⁻, he⁻ja⁻ sa⁻ ga⁻juuy¹ lä⁻ ma⁻ ga⁻juu¹ dsa⁻gooy¹ hi⁻ chaah⁻. Jëeh³, ga⁻heeyh⁻ ba⁻ llu¹ hi⁻ ga⁻taah⁻ koo¹ juu¹ ha⁻ lä⁻ la⁻ jee¹ jwii⁻ ja⁻.

³² ¿Hee⁻ ga⁻ jwahn⁻? Hnøø¹ kwa⁻ jä⁻ kin⁻ mah¹ hlëehn¹ kih¹ Gedeón kih¹ Barac, kih¹ Sansón, kih¹ Jefté, kih¹ David, kih¹ Samuel, hi⁻ kih¹ ga⁻ jñah³ dsa⁻ hi⁻ ma⁻ ngëë⁻ juu¹ kih¹ Dio llo³joo¹. ³³ Kih¹ he⁻ ga⁻lä⁻dsoo³ dsë¹ hi⁻ he³, ja⁻ koo⁻ hä⁻ ga⁻liyh¹ ga⁻tëy¹ kyaah¹ rey, ga⁻llay³ kwee⁻ ta⁻ kih¹ dsa⁻, ga⁻hyoyh¹ he⁻ ga⁻bääh⁻ Dio hñii⁻ kyaayh¹, ga⁻laay³ he⁻ ma⁻ kuh⁻ hyah⁻.

³⁴ Ga⁻laay³ he⁻ ma⁻ kaay⁻, ga⁻laay³ he⁻ ma⁻ juuy³ kyaah¹ ñe⁻tuuh⁻, ma⁻ke⁻ sa⁻ cha⁻ be⁻ kiyh¹ ga⁻tëy³ be³, ga⁻lä⁻beey³ jwërte jee¹ cha⁻ hñii⁻, ga⁻hëey¹ go⁻te⁻ kih¹ hløø³ hi⁻ ya⁻nää¹ uu³. ³⁵ Ma⁻ chaa⁻ dsa⁻më³ hi⁻ ga⁻juu¹ dsa⁻dsaah¹ kyaa¹ mah¹ ga⁻lä⁻jiiyh⁻ ka⁻läh³. Hi⁻ jñah³ ko⁻llaa¹, ga⁻heeh⁻

bih¹ he⁻ ga⁺ heeh¹ dsih^ʔ wii^ʔ. Sa⁺ ga⁻ lä⁺ hnøøy¹ ma⁺ lääy^ʔ jëeh^ʔ, ma⁻ kyey⁻ o⁻ jøh⁺ dsë⁻ he⁻ lä⁻ jiiyh^ʔ jee⁺ llu¹ ga⁺. ³⁶ Kō⁻ llaa⁺ ga⁺ mi⁻ kwah¹ dsih^ʔ, ga⁻ jmi⁻ ga⁻ baa¹ dsih^ʔ. Hi⁺ ja⁺ ma⁻ la⁺ he⁻ ja⁻. Ga⁻ hñuu¹ dsih^ʔ kyaah¹ caden[~] mah¹ ga⁻ taah⁻ dsih^ʔ neh⁺ ñe¹. ³⁷ Kō⁻ llaa⁺ ga⁺ juu¹ kyaah¹ kuu⁺, jñah^ʔ ga⁻ jmäy¹ to¹ hnoo¹, hi⁺ jñah^ʔ ga⁺ juu¹ kyaah¹ ñe⁺ tuuh¹. Hi⁺ kō⁻ llaa⁺ ma⁺ ga⁻ nää⁺ ta⁺ la⁺ ta⁺ jnø⁺, ma⁺ na⁻ lääy⁻ loo⁺ borrego kyaah¹ loo⁺ chivo ka⁻ läh^ʔ, ma⁺ tä⁻ ñeey^ʔ. Sa⁺ ma⁺ chaay⁻ llu¹, ma⁺ ta⁻ ma⁺ haah⁻ dsih^ʔ. ³⁸ Jee⁺ kih¹ dsa⁻ jmi⁻ gyuu⁺ sa⁺ sooh[~] he⁻ tääh¹ hi⁻ lluu¹ he^ʔ. He⁻ ja⁻ ga⁻ nääy⁻ lä⁻ koo⁻ he⁻ na⁻ hëey¹ lä⁻ kaa⁻ hwa¹ kii⁺, lä⁻ kaa⁻ neh⁺ nuu⁺, ma⁺ na⁻ hmäy¹ neh⁺ too⁻ kuu⁺, hi⁺ lä⁻ kaa⁻ jee⁺ hë⁻ too⁻ moh^ʔ.

³⁹ Lä⁻ jëë⁺ dsa⁻ he^ʔ, sa⁺ ga⁻ hyoyh¹ he⁻ ga⁻ bääh⁻ Dio hñii^ʔ kyaayh¹, ma⁺ ke⁺ ga⁻ hii^ʔ juu¹ kiyh¹ lä⁻ llu¹ he⁻ ga⁻ lä⁻ dsoo^ʔ dsëy¹. ⁴⁰ Jëeh^ʔ, ma⁻ lla⁺ dsë¹ Dio he⁻ hñah⁺ jne⁺ kō⁻ jøh^ʔ he⁻ llu¹ cha⁻ ga⁻ miih⁻ kyaah¹ dsa⁻ he^ʔ hi⁺ lä⁻ ja⁻ hwëë⁺ jne⁺ llu¹ kō⁻ jøh^ʔ kyaayh¹.

Wa⁺ jmeen⁺ huu⁺ dsë⁻ ha⁻ lä⁻ ga⁻ kwëeh¹ dsë¹ Jesús

12 ¹ Jwëë^ʔ jwërte dsa⁻ hi⁻ ga⁻ lä⁻ dsoo^ʔ dsë¹ jää¹. Hi⁻ he^ʔ laa¹ lä⁻ koo⁻ jnii^ʔ he⁻ hii^ʔ lä⁻ ku⁺ lä⁻ jii¹ jnän⁺, hi⁻ jmee⁺ dsoo^ʔ ha⁻ lä⁻ ga⁻ la¹ kiyh¹. Lä⁻ ja⁻ hnøø¹ jmeen⁺ ta⁺ koo^ʔ lä⁻ jë⁺ he⁻ jmee⁺ jwiih[~] jnän⁺ kyaah¹ dso⁻ kye⁻ he⁻ jmee⁺ dsa⁻ täh⁺ jne⁺. Hi⁺ hnøø¹ kwëeh¹ dsë⁻ jne⁺ dsa⁻ nøøn¹ ta⁺ cha⁻ në⁺ jwë¹ he⁻ tøøhn⁺ la⁻. ² Wa⁺ jmeen⁺ miih⁻ huu⁺ dsë⁻ kih¹ Jesús hi⁻ ga⁻ nä¹ jwë¹ ha⁻ lä⁻ jee⁺ lää^ʔ jne⁺ hi⁺ lloo[~] koo⁻ jmi⁺ he⁻ lääy¹ jne⁺ go⁻ te⁻. Kih¹ he⁻ ñey⁻ jëë^ʔ ba⁺ dsëy¹ ta⁺ cha⁻ në⁺, he⁻ ja⁻ ga⁻ heeh⁻ bih¹ ga⁻ jëey¹ wii^ʔ dsøh^ʔ hma⁻ cru¹. Sa⁺ ga⁻ jmeey^ʔ he¹ he⁻ la¹ o⁻ hih⁺. Ja⁻ ga⁺ ga⁻ gyay⁻ jwoo¹ ra⁻ lluu¹ kih¹ Dio.

³ Jmee⁺ da⁺ hnäh^ʔ huu⁺ dsë⁻ kiyh¹, ha⁻ koh^ʔ wii^ʔ sa⁺ ga⁻ jëey¹ kih¹ dsa⁻ hñaa⁻ dsë¹ hi⁻ ga⁻ lä⁻ hnee⁺ kyaayh¹. Lä⁻ ja⁻ ta⁺ hwaä[~] hnäh^ʔ ni⁺ sa⁺ wa⁺ jeh⁺ hoh^ʔ hnäh^ʔ. ⁴ Jëeh^ʔ, jee⁺ kwah⁻ hnäh^ʔ be^ʔ mah¹ sa⁺ täh⁺ hnäh^ʔ kyaah¹ dso⁻ kye⁻, sa⁺ ga⁺ ma⁻ tuuh¹ hnäh^ʔ jma⁻ kyah¹ hnäh^ʔ. ⁵ Che⁺ ma⁻ gaa^ʔ hoh^ʔ hnäh^ʔ nuuh¹ kih¹ Dio, he⁻ hlëeyh[~] hnäh^ʔ lä⁻ koo⁻ jooy^ʔ, heh¹ he⁻ ga⁻ jäyh^ʔ:

Gyuu⁻ kyaan⁺, ta⁺ jwah^ʔ sa⁺ llu¹ wa⁻ ra⁻ ga⁻ heeyh¹ hne⁻ wii^ʔ.

Ta⁺ jeh⁺ hoh^ʔ wa⁻ ra⁻ ga⁻ juuyh¹ kyah¹.

⁶ Jëeh^ʔ, Dsa⁻ jøøh¹ jnän⁺, heeyh[~] wii^ʔ hi⁻ hnäy¹ ba⁺.

Kway⁺ kih¹ lä⁻ jëë⁺ hi⁻ tëeyh[~] jooy^ʔ.

⁷ Wa⁺ kwëeh¹ hoh^ʔ hnäh^ʔ he⁻ heeyh[~] hnäh^ʔ wii^ʔ. He⁻ jmäy[~] hnäh^ʔ lä⁻ koo⁻ jooy^ʔ ba⁺ ja⁻. ¿Che⁺ jwa⁻ chaä⁻ jaa⁻ chih⁻ hi⁻ sa⁺ heeh[~] Täa[~] kyaay¹ wii^ʔ?

⁸ Ga⁻ lä⁻ jëë⁺ ba⁺ jne⁺ heeh[~] Dio wii^ʔ. Pero cher⁺ mah¹ sa⁺ ga⁻ heeh¹ Dio hnäh^ʔ wii^ʔ, sa⁺ laah¹ hnäh^ʔ jooy^ʔ. Laah¹ hnäh^ʔ lä⁻ koh^ʔ hi⁻ sa⁺ chaä⁻ juu⁺ ba⁺. ⁹ Ta⁺ jyoh^ʔ kō⁻ taä⁻, täa[~] jnän⁺ hi⁻ chaä⁻ hwa¹ la⁻ ga⁻ heeyh¹ jne⁺ wii^ʔ lä⁻ ma⁺ mäh¹ jne⁺ mah¹ ga⁻ lä⁻ hnää⁺ jnih^ʔ. ¿He⁻ la¹ sa⁺ jmeen⁺ cha⁻ ga⁻ miih⁻ he¹ kih¹ Täa[~] hi⁻ laa¹ juu⁺ jmi⁻ lle^ʔ jnän⁺, mah¹ lä⁻ ja⁻ chaä⁻ jne⁺ tää[~] ba⁺?

¹⁰ Täa[~] jnän⁺ hi⁻ chaä⁻ hwa¹ la⁻, ga⁻ heeyh¹ jne⁺ wii^ʔ miih⁻ jmi⁺ jmi⁻ gyuu⁺ la⁻, lä⁻ koo⁻ la¹ huu⁺ dsë⁻ kiyh¹. Pero ta⁺ jyoh^ʔ kō⁻ taä⁻, hi⁻ gya¹ gyuu¹

heeyh~ jne' wii' kih' he- llu' jnän` ba' mah' hwëë+ jne' na-jngëë' lä'koo-
laay' hñiiy'. ¹¹ Dsoo' ba', sa' tih~ dsë- jne' to-chañ' wa'ra- ga'heeyh' jne'
wii'. Koo- dsa-lä-meeh- dsën- ba' ja-. Pero ma-ngëë' ma'heeyh' jne' wii',
lä'tëë- jne' jmeen' he- llu' jmah' hi' jmee+ hii' tii' jnän` ka-läh'.

Goo- la' wa'ra- sa' ga+jmee' jne' he' he- jäh' Dio

¹² He-ja- kwa' hnäh' be', hnäh' hi- sa' cha- be' kih'. ¹³ Kwa' hnäh' be'
go-nää' hnäh' ko-dsoo' mah' tëë' be' hi- sa' beë' hi' lä-ja- mo+so+ kayh-
jwë'.

¹⁴ Hnøøh' hnäh' ha- lä+ jee' hii' tii' kyah' hnäh' kyaah' lä+jëë+ dsa-, hi-
ha- lä+ jee' leeh' hnäh' na-jngëë' cha-ga'miih-. Jëeh', hi- sa' na-jngëë',
sa' dsa-taayh` ya+jwii' kih' Dio. ¹⁵ Leeh' hnäh' ha- ga- che- ga-jñuuh'
hnäh' kih' he- la' kwa+ Dio jnän`. Goo- wa'ra- ga-lä+wii' hoh' hnäh'
kyaah' dsa-. Hi' kyaah' he- hliih' ja- heë~ jwëë' dsa-. ¹⁶ Ni+ jaa- hnäh'
dsa-më' dsa-nñuuh-, ta' kaah+ hnäh' wa' hi- cha- hi-. Ta' jmee- hnäh' ta'
koo' he- la' kwa+ Dio, lä'koo- ga+jmee' Esaú. Ma-na-la' juu' hyoyh+
heey', kih' he- laay' gyuu- to-në'. Pero ga'hñiiy' he- ja-, koo- ga-tëëy'
koo- wii' ma' ba'. ¹⁷ Ma-neh' ba' hnäh' ha- lä+ ga-la' kiyh' ta' cha-në'.
Ma' chuuy' kyaah' jmiiy- mah' ma' mi-jäy', mah' ma' kwëëyh' he-
ma-na-la' heey'. Pero sa' ga-hyoyh'. Ma'ke+ ga'hooyh' cha-miih-,
mo+so+ ga-lä'sii' juu' kih' jmiiy-.

¹⁸ Jëë- da' hnäh', sa' ga-lla-nääh' hnäh' moh' Sinaí he- sa' ma' le'
dsa-nää' dsa- chuh+ kih', lä'koo- ga-la' kih' dsa- Israel llo'joo'. Peer-
ga'hya- je- gyuuh' moh' ja-, ga-la' na-hoo- läh-, ga'hii' goo-, ja' koo- lle-
tä'. ¹⁹ Jee' ja- ga-lä-nñuuh' hii' luu' hoo', ga-lä-nñuuh' hlëëh+ Dio. Lä+ ma'
ga-nuu' hi- ma' tääh' jee' ja-, ga-chuuy' cha-miih- mah' mo+so+ hlëëh'
gyih' kyaayh'. ²⁰ Jëeh', sa' ga-lä-be' dsëy' ma' nuuy' mada' he- ma'
jmeey': "Cher'mah' chaa- hi- ga-hee' në' moh' la-, ma'ke+ jaa- jah',
jmeë+ bii' juuy' kyaah' kuu' o juuy' kyaah' ñe' chuuh-." ²¹ Kih' he- la'
goo- ngëë' he- ga-jëë' dsa- he', he-ja- lä+ ga-të' Moisé ga-jäh': "Peer-
gohn+, lä+jiih' jlään+."

²² La' lä'koo- he- ma-lla-nääh' hnäh' moh' Sión ba' ja-, jee' jwii- kih'
Dio jiih+, jwii- Jerusalén he- hla- gyuuh' jmi-gyuu+, jee' tääh' cha-miih-
mil ángele hi- jmee+ jmií' kih' Dio. ²³ Hi+ ma-kuh' hnäh' ko-jøh' kyaah'
hi- ga-heeh- kih' Dio to-në' hi- na-sii- jmií- kih' gyuuh' jmi-gyuu+.
Ma-lla-nääh' hnäh' kih' Dio hi- lla' ta' kih' lä+jëë+ dsa-, ja-ba' jee' tääh'
lä+jëë+ hi- lluu', hi- laa' jmi-llë' hi- ga+jmää' Dio lluu' go-te~.

²⁴ Ma-lla-nääh' hnäh' kih' Jesús hi- ga+jmee' koo- hmooh' hmëë' hi-
lä-ja- ma-lla-nääh' hnäh' kih' jma- he- ga-tuu- kwaan~ jnän`. Jma- ja-
ngii+ llu' jnän`. Sa' hñii' kih' dsa+ lä'koo- jmee+ jma- he- ga-tuu- kih'
Abel.

²⁵ He-ja- leeh' hnäh' wa'ra- ga+jmeeh' hnäh' chaah- hnäh' kih' hi-
hlëëh~ hnäh'. Jëeh', hi- sa' ga'hii' ma' nuu', lä'koo- ma' ga-hlëëh' Dio

kyaayh' gyuuuh' moh' he' chih' hwa' la', sa' ga'laa' hi' he'. ¿Ha' ba' lä' lää' jne' ja', cher'mah' sa' ga'jmeen' he' kih' hi' hlëeh' jne' lä' ga'të' gyuuuh' jmi'gyuu'?' ²⁶ Lä'koo' ma' ga'hlëeyh' kyaah' dsa' he', lä'kye' hwa' ga'jeh'. Pero koo' ka'läh' ga'jäyh': "Koo' ga'koo' hä' jmeen' jeh' hwa' la', lä'kye' gyuuuh' jmi'gyuu' ka'läh'." ²⁷ Kyaah' he' ga'jäyh': "Koo' ga'koo' hä'", dsa'lä'ngëe' jne', ääh' go'te' lä'jë' he' le' sa'jeh'. He' ja' hnø' jäh', lä'jë' he' na'la' he' ga'jmeë' Dio. Ja'ga' na', jä' koo' hweh' lä'jë' he' sa' le' sa'jeh'. ²⁸ He'ja' wa' kwan' ti'hmaah' kih' Dio, kih' he' ma'na'jnää' jne' ya'jwii' kiyh' jee' sa' le' sa'jeh' ni' miih'. Wa' jmeen' ta'he' kiyh', wa' gah' jnih', wa' nuuh' jne' kiyh', lä'ja' ba' tih' dsëy'. ²⁹ Jëeh' Dio jnän' laa' je' he' mi'llaa' lä'jë' go'te'.

Ha' lä' hnø' jmeen' mah' tih' dsë' Dio

13 ¹ Ta' tü' hnäh' he' hnaah' hnäh' dsa'kyaah' hnäh' lä'koo' lle' jnän', lä'llu' he' laa' jne' øøhn'. ² Ta' wa' gaa' hoh' hnäh' kwah' jee' jä' hi' go'nää' kyah' hnäh'. Jëeh', ko'llaa' ga'kwa' bih' jee' ga'jä' dsa', ni' sa' ga'lä'ney' koh' koh', ángele ba' he' hi' ga'jä' kiyh'.

³ Mi'dsooh' hoh' hnäh' kih' dsa' hi' tääh' neh'ne', jmeë' hnäh' kwaat' lä'koo' he' tääh' hnäh' ko'jöh' kyaayh'. Lä'ja' ka'läh' kih' hi' jëë' wii', jmeë' hnäh' kwaat' lä'koo' he' jëeh' hnäh' wii' ko'jöh' kyaayh'.

⁴ Llu' ba' he' jee' dsa' goo'. Pero hnø' go'taah' hnäh' lä'le' kih'. Jëeh', Dio lla' ta' kih' hi' sa' na'jee' goo' mah' kaayh' wa' hi' cha' hi' hi' lä'ja' kih' hi' na'jee' goo' mah' kaayh' hi' laa' kya' jñah'.

⁵ Ta' wa' hee' hoh' hnäh' kuu'. Wa' chaah' hnäh' llu' kyaah' he' cha' kyah' hnäh' ba'. Jëeh' ga'jäh' Dio: "Jih'koh' jih'lih' sa' been' hne', ni' sa' jmään' hne' ta' koo'." ⁶ Kih' he'ja', jahn' lä'kaa' tuh'dsë' jne':

Dsa'jøøh' kyaan' ba' kwa' be' kin', ni' miih' mo'so' gohn'.

¿Hee' na' le' jmeë' dsa' kin'?

⁷ Mi'dsooh' hoh' hnäh' ha' lä' ga'jmeë' hi' ma'jøø' kyah' hnäh', hi' ga'hlëeh' hnäh' juu' kih' Dio. Jëë' da' hnäh' ha' lä' ga'hwëey' kyaah' ta' kiyh'. Wa' lä'dsoo' hoh' hnäh', ja'ba' lä'koo' ga'lä'dsoo' dsë' hi' he'.

⁸ Jesucristo, lä' ma'laay' ja'ba' lloo', na', lä'ja' ga'lä'jë' joh' jmi' cha'. ⁹ Ta' kwa' jwë' mi'gaa' dsa' hnäh' kyaah' he' ga'jyoh' nuuh' he' sa' la' kwee' kyaah' he' ma'mi'tëë' jne'. Llu' ga' he' tëë' jne' be' kyaah' he' la' kwa' Dio ba', ja' kyaah' he' kih'hij' jne'. Jëeh', jih'koh' sa' ga'ka' ya'jøø' hi' ma' hlëeh' kih' he' kuh'hij' dsa'.

¹⁰ Chaa' ba' jaa' hi' ga'juu' jnän', pero jmi'dsa' hi' tääh' jmeë' ta'he' neh' gwah' lä'hij' kih' hmooh' ma'gyuh' ja', sa' na'ngëy' jwë' jmeey' ko'jöh' kyaah' hi' ga'juu' jnän'. ¹¹ Jmi'dsa' kaah' he', ma' dsa'taayh' jee' jäh' dsa' kih' Jee' Na'jngii' Go'te' kyaah' jma' kih' jah' hi' ma'kwëeh' dsa' Dio kwaat' kih' dso'kye'. Ja'ga' ma' dsa'jey' hnoo' kih' jah' he', uu' ga' kih' jee' jwii' ja'. ¹² Ja'ba' lä'ja', ga'juu' Jesús chuuh' jwii' ja', mah' jmääy' dsa' na'jngëe' kyaah' jma' kiyh'. ¹³ Lä'ja' wa' jmeen' ko'jöh'

kyaah' Jesús, ma'ke' dsa', sa' tooyh' ta' jnän'. Wa' hlëeh' bih' lä'koo' hnøoy' hlëeyh', ja'ba' lä'koo' ga'hlëeyh' kih' Jesús. ¹⁴ Jëeh', jee' jwii' he' tøøhn' la', dsa'ngëe' ba'. Pero jne', hnøoh' jne' koo' jwii' he' na' ga' lä'jnä'.

¹⁵ He'ja' sa' wa' tun' hän' kih' Dio ta'la' kih' Jesús. Wa' jmeen' juuh' kiyh'. He' ja' ba' lle' kih' kwëeh' hnih'. ¹⁶ Ta' wa' gaa' hoh' hnäh' jmeeh' he' llu' jmah' ba', hi' kwëeh' hi' lla' kyaa' miih' he' cha' kyah' hnäh'. He' ja' ba' tih' dsë' Dio jmeen'.

¹⁷ Wa' nuuh' hnäh' kih' hi' jää' hnäh' hi' wa' hwaah' hnäh' kyaayh'. Jëeh', hi' he' na' dsë' lley' hnäh', he' ñey' lloo' koo' jmi' ngëey' kwaat' kih' ta' he' jmeey'. Lla' he' ma' jmeeh' hnäh' ti' meeh' dsëy', jmeé' hnäh' jëe' dsëy' ba'. Jëeh', cher'mah' sa' ga' jmeeh' hnäh' lä'lle' kih', sa' cha' ya'jøø' kah' hnäh'.

¹⁸ Ngii' hnäh' kyaa' jnääh' kih' Dio. Kih' he' lii' jnääh', sa' hni' hu' dsë' kyaa' jnääh'. Lä'ja' hnøø' jnääh' dsa'nøø' jnääh' kwee' kyaah' lä'jë' he' jmeé' jnääh'. ¹⁹ Peer' chuun' kyaah' hnäh' he' ngiih' hnäh' kin' kih' Dio mah' kway' jwë' llaahn' to'chah' la' jee' tääh' hnäh'.

Ga'hiyh' juu' kyaah' øøyh'

²⁰ Dio ba' he' hi' jmeé' hii' tii' tuh' dsë' jne'. Hi' he' ga'mi' jiih' Jesucristo Dsa'jøøh' jnän' hi' hää' kwee' lä'jëe' hi' laa' kyaa' Dio. Jëeh' kyaah' jma' kiyh' he' ga'tuu' ja', ga'jmeey' koo' hmooh' hmëe' he' sa' hee' jih'koh'. ²¹ Ngii'n' kiyh' he' jmäay' hnäh' lluu' mah' jmeeh' hnäh' lä'jë' ta' llu' lä' hyoh' dsëy' hi' jääy' hnäh' lä' tih' dsëy' ta'la' kih' Jesucristo. Wa' la' juuh' kiyh' ga'lä'jë' joh' jmi' cha'. Wa' la' lä'ja'.

²² Øøhn', chuun' kyaah' hnäh', jmeé' hnäh' jøh' hoh' hnäh' kyaah' juu' he' ma'hlëehn' hnäh' la'. Sa' cha' cha' miih' juu' he' ma'siin' kyah' hnäh'. ²³ Hnoon' lä'ñeh' hnäh', ma'laa' ba' Timotä øøh' jne' he' ma' hääy' neh'ñe'. Cher'mah' jäyh' to'chah' la', niin' kyaayh' na'jëen' hnäh'.

²⁴ Jmeé' hnäh' Dio kih' lä'jëe' hi' jää' hnäh' kyaah' lä'jëe' ga' hi' na'jngëe'. Lä'jëe' hi' tääh' hwa' Italia la', jmeey' Dio kyah' hnäh' ka'läh'.

²⁵ Wa' mi' jää' Dio lä'jëe' hnäh'. Wa' la' lä'ja'.